

SHIBUI - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 5 1952

T 7903/2955(14)

古今醫統大全卷之三十一目錄

壽集

○脹滿門

病機

脹滿敘論

脹滿鼓脹乃病之新久

輕重

脹滿與水腫不同

脹分三因

腹脹有寒濕及外感

五臟各有脹

脹滿病多緣七情內傷勞倦飲食濕熱所致

脈候

治法

治脹滿宜理脾土養肺金 治腹脹有因利下之過

哈佛大學哈佛藥宗
圖書館珍藏印

腹脹治法當察其所因 治案

藥方

脹滿通用調理諸方

紫蘓子湯

平肝飲子

大異香散

沉香降氣湯

木香順氣湯

中滿分消湯

半夏厚朴湯

大正氣散

強中湯

紫沉通氣湯

木香流氣飲

人參芎歸湯

廣茂瀆堅湯

沉香散

香橘湯

甘露飲

溫胃湯

木香榻氣丸

木香分氣丸

治脹滿攻下諸方

七物厚朴湯

梔溪氣實丸

沉香交泰丸

雞矢醴散

木通散

撞關飲子

中滿分消丸

禹餘糧丸

十全丸

枳殼剉散

是齋推氣丸

消脹丸

肉豆蔻丸

導氣丸

三稜煎丸

沉香海金沙丸

遇仙如意丹

小檳榔丸

敷法

灸法

導引法

易簡諸方

卷之三十一目錄

水腫門

病機敘論

水腫病原於濕熱

水腫由脾虛所致

水腫要分陰水陽水之異 水腫有十證不同

脉候

治法

藥方

水腫發表諸方

麻黃甘草湯

越脾湯

麻黃附子湯

防已茯苓湯

黃耆芍藥桂枝苦酒湯

小續命湯

香薷散

五苓散

五皮散

大橘皮湯

葶藶木香散

白朮木香散

踈鑿飲子

加味五皮散

消腫丸

赤小豆湯

白木澤瀉散

蘿蔔子飲

人參木香散

白木散

治腫脹解利諸方

香蘓散

三和湯

赤茯苓丸

木香分氣湯

茯苓散

導氣通經湯

導水飲子

楮實子丸

三白散

紫蘓橘皮湯

加味枳木湯

楮白皮散

檳榔丸

鯉魚湯

沉香琥珀丸

葶藶丸

治水實脾調理諸方

實脾散

加味腎氣丸

水腫攻下諸方

神助散

大戟散

大半夏湯

導水茯苓湯

復元丹

分氣通心湯

補脾藿香散

姜薏散

木香塌腫散

神効木香散

古今醫書卷之二十一
大腹皮散

十棗湯

牽牛湯

順氣丸

十水丸

半邊散

神助丸

鴨頭丸

雄黃神金散

退腫集賢丸

雄黃木香散

牽牛丸

牛郎丸

奪命丸

商陸赤豆湯

溫白湯

行水丸

塗臍膏

鍼灸法

易簡諸方

附陰腫門

病機

藥方

三白散

地龍膏

桃仁丸

牡蠣散

蟬退散

易簡諸方

卷之三十二目錄

蟲證門

病機敘論

治法

藥方

四炒櫻桃丸

萬金丸

遇仙如意丸

甘露飲

神効木香散

七聖君子湯

廣茂潰堅湯

檳榔丸

雞屎醴散

香棗丸

水鼓商陸根

經驗雞屎醴

經驗梔奴丸

二氣散

三花神祐丸

木香二皮丸

水蛭丸

敷蠱散

保命丹

人參定喘湯

洩鼓丸

尊重丸

沉香廣聖散

愈蠱丸

卷之三十五目錄

○積聚門

病機攷論

五積六聚治同鬱斷

積聚與癥瘕不同症癖與痞塊

脈候

治法

內經正治

養正則積自除

攻邪補正有先後之序

積非下之不可

攻積必分新久

治積有法

倒倉法

積因地方而可證

蟻瘕候

蛇瘕治驗

髮瘕治驗

螢瘕治驗

京三稜治瘕瘕記

子和治案

藥方

積藥條例

五臟積方

肝積肥氣

三因肥氣丸

東垣肥氣丸

本事礪砂丹

御院助氣丸

心積伏梁

局方溫白丸

東垣伏梁丸

三因伏梁丸

脾積痞氣

三因痞氣丸

東垣痞氣丸

楊氏薑合丸

簡易勝紅丸

本事枳殼散

肺積息賁

三因息賁丸

東垣息賁丸

撞氣阿魏丸

妙應丸

磨積丸

腎積奔豚

三因奔豚丸

大七氣湯

五積諸方

大七氣湯

逐氣丸

廣茂潰堅湯

小温中湯

磨積三稜丸

聖散子

東垣奔豚丸

香稜丸

化氣湯

枳殼散

大温中湯

三稜煎丸

流氣丸

阿魏丸

諸飲食癖積方

草豆蔻丸

保和丸

白豆蔻丸

三稜散

三稜丸

消積阿魏丸

香稜丸

虛寒積聚方

妙應丸

丹溪阿魏丸

茶癖散

木香化滯湯

丹溪方

京蓬朮丸

消癥去積丸

千金不換內消丸

散聚湯

勝紅丸

枳殼散

白豆蔻丸

至寶丹

吐劑瓜蒂散

攻積削堅諸方

積氣丹

木香通氣丸

取積丹

萬病紫苑丸

消癥丸

溫白丸

舟車丸

感應丸

破積導引丸

醫林香稜丸

保安丸

開結妙功丸

卷之三十四 目錄

痞塊門

病機敘論

治法

化鐵丹

廣茂潰堅湯

治痞方

大硝石丸

鍼灸法

導引法

鄧山感應丸

易簡方

藥方

阿魏丸

積氣丹

小阿魏丹

聖散子

消痞丸

神功助化散

牡丹皮散

沒藥散

胎前血塊方

產後消塊方

貼痞諸方

二仙丹

三聖散

四聖膏

琥珀膏

鍼灸法

治案

古今醫統大全卷之三十一

新安東臯徐春甫編集

太倉改齋支秉中校正

○脹滿門

病機

脹滿敘論

內經曰諸腹脹太皆屬於熱又曰諸濕腫滿皆屬脾土

又曰太陰所致為中滿霍亂吐下又云腹滿腹脹支兩脚脇下厥

上冒過在太陰陽明乃寒濕鬱遏也

又曰諸腹脹大鼓之如鼓皆屬於熱原病云氣為陽陽為熱氣

甚則如是也

鐵經曰夫脹者皆在於藏府之外排藏府而郭胃脇脹皮膚故命曰脹或厥氣在下榮氣留止寒氣逆上真邪相攻兩氣相搏乃合為脹也

陰陽應象論曰濁氣在上則生臌脹清氣在下則生飧泄此陰陽反作病之逆從也

脹滿鼓脹乃病之新久輕重之名

愚謂脹滿只是濕熱飲食勞倦內傷脾氣積滯之所始致是為脹
滿若積損既久脾氣日虧氣凝血聚漸著不行由脹滿而成**鼓脹**
以其外雖堅滿中空無物有似於鼓堅固難治俗名**魚腹脹**以其

四肢皆不腫而惟腹中脹腫如鼓乃氣血結成**蠱毒**之形而不可解釋消散故又名曰**蠱**血化為蠱因字之義而命名也生氣通天

論曰病久則傷化上下不并也不通良醫弗為此之謂也

脹滿與水腫不同

脹滿只是腹脹中滿雖主於脾有濕熱寒暑氣血之殊異而非四肢腫脹為水溢經絡皮膚之下治以消水內經所謂開鬼門潔淨府者是也水腫之病輕而易治脹滿之病重而難治學者詳之

脹滿病多原七情內傷勞倦飲食濕熱所致

經曰飲食入胃游溢精氣上歸於脾脾氣散精上歸於肺通水道下輸膀胱水精四布五經並行是則脾胃中土王生萬物雖具

坤靜之德而有乾健之造凡有七情思慮傷脾及房勞過傷飲食失節則脾土之陰受虧而轉輸之官失職致使心肺之陽不降腎肝之陰不升而成天地不交之否清濁相滯而成壅塞滯氣不流鬱而為熱濕熱積留因成脹滿

腹脹有寒濕及外感

經曰藏寒生滿脹脉經曰胃中寒則脹滿脾為陰中之至陰故經曰太陰所致為畜滿大抵脾濕有餘無陽不能施化如土久於雨水則為泥矣豈能生化萬物必待和風暖日濕去陽生自然生長矣若此者宜以辛熱藥治之其有外感者如東垣所謂八益之邪自外而入感風寒之邪傳入於裏寒變為熱作胃實日晡潮熱大

渴引飲譫語是大陽陽明併病大實大滿者大承氣湯下之少陽陽明微滿實者小承氣湯下之五常正大論曰下之則脹已是也
腹脹分三因

陳無擇云臟氣不平勝乘相因為病如怒傷肝肝克脾脾氣不正必脹於胃名曰勝克怒乘肺肺氣不傳必脹於大腸名曰乘克憂思結聚本臟氣鬱皆內所因或冒寒暑風濕隨經絡傳至陽明致脹者皆屬外因飲食饑飽生冷甜酸結聚不散或作痞塊膨脹滿悶屬不內外因也

五臟各有脹

靈樞經曰夫心脹者煩心短氣卧不安肺脹者虛滿而喘咳肝脹

者脇下滿而痛引小腹**脾脹**者吐噦四肢煩熱體重不能勝衣卧不安**腎脹**者腹滿引背央央然腰痺痛**六腑脹**胃脹者腹滿胃脘痛鼻聞焦臭妨於食大便難**大腸脹**者腸鳴而痛濯濯冬日重感於寒則飧泄不化**小腸脹**者少腹臌脹引腰而痛**膀胱脹**者少腹滿而氣癢**三焦脹**者氣滿于皮膚中輕輕然而不堅**膽脹**者脇下痛脹口中善苦大息

脉候

鍼經曰其脉大堅以瀋者脹也○**脉經**曰關上脉虛則內脹○脉遲而滑者脹○脉盛而堅者脹○**嚴氏**曰脹脉浮者易治虛者難

治法

治脹滿宜理脾土養肺金

夫脹滿之病皆因脾失健運之常須要補脾養肺以製肝木俾脾無賊邪之患滋腎以製火使肺氣得清兼以節飲食戒慮念無有不安者古方用禹餘糧丸所以實脾製肝若善用者以之增減因證使之殊為切當

治腹脹有因利下之過

經曰下之則脹已此因濕熱飲食有餘脾胃克實者言也如仲景治傷寒邪入三陰經及入于裏而成內實腹滿堅實大便秘而不利者宜以三承氣湯下之可也若因脾虛內寒不足而氣不能運化精微而成腹滿者故宜以甘溫補脾為主少佐以辛熱行其壅

滯之氣庶使脾土旺健而脹運行斯可愈矣即經所謂塞因塞用
從治之法耳醫者不察乎此惟執下之脹已急於獲効病者舌於
脹滿喜行利藥以求通快殊不知暫快一時則真氣愈傷腹脹愈
甚去死不遠俗謂氣無補法者以其痞塞似難於補不思正氣虛
而不能運行為病經曰壯者氣行則愈是也

腹脹治法當察其所因

若因內傷飲食厚味大實大滿氣滯脉洪大實者宜下之若因過
服下藥瀉利後所致或脾胃素弱不能運化者皆宜補益助脾行
濕蓋此時正氣已衰矣積而脹乎故云平治之又如血畜血瘀
而致者當以血藥治之寒者執之執清之結者散之清濁混淆者

分清之或升降其氣或消道其邪皆宜適事為故可也

治案

丹溪治一人年五十嗜酒病瘡半年患脹診其脉絃而澹重則大
瘡未愈手足瘦而腹大如蜘蛛狀子教以參朮為君當歸川芎芍
藥為臣黃連陳皮茯苓厚朴為佐生甘草小作濃湯飲之一日
定三日次彼亦嚴守戒忌一月後瘡愈又半年小便長而脹愈中
間雖稍有加減大意只是補氣行濕

一人年四十餘性嗜酒大便時見血春間患脹色黑腹大形如鬼
狀脉澹而數重似弱以四物湯加苓連木通白朮陳皮厚朴生甘
草作湯與之一月而安一補氣一補血餘藥大率相出入皆獲安

或曰氣無補法今何補氣而安曰氣無補法俗論也痞悶壅塞似難於補不思正氣虛者不能自運經曰壯者氣行則愈怯者著而為病若不補氣邪何由行

一人年近五十得腹脹自製禹餘糧丸服之其脉絃濇而數丹溪曰此丸新製煨煉之火邪尚存濕熱之藥味太多宜自加減不可執方病者曰此方不可加減服之一月口鼻中出黑血骨立而死患腹脹按之不痛者為虛按之痛者實也腹中滿不減不驚人此當下之舌黃沫下者下之黃自去腹滿時減復如故此為寒當以溫藥○腹滿口中苦乾燥腹中有水是飲也跗陽脉微絃法當腹滿不滿者心下部閉塞大便難兩脚下疼痛此虛氣寒氣從下向

上當以溫藥服之取瘥腹滿轉痛來趣小腹為欲自下利也

藥方

脹滿通用調理諸劑

生紫蘓子湯 治憂思過度致傷脾胃心腹脹滿喘促嘔逆腸鳴氣

走漉漉有聲大小便不利脉虛緊而濇

紫蘓子一兩 大腹皮 草果 半夏

厚朴 木香 陳皮 木通

白朮 枳實 人參 甘草 各半

右每服五錢水盞半姜三片棗一枚煎七分服

濟大正氣散 治脾胃怯弱為風寒濕氣所傷遂致心腹脹滿有妨

飲食

白朮

陳皮各二錢

半夏製

藿香葉

厚朴姜炒

桂枝

枳殼炒

檳榔

乾薑炮各一錢

甘草炙五分

右作一服水二盞姜三片棗一枚煎八分不時溫服

濟平肝飲子 治喜怒不節肝氣不平邪乘脾胃心腹脹滿頭暈嘔

逆脈浮而弦

防風

枳殼

桔梗

赤芍藥

桂枝各一錢

木香

人參

檳榔

川芎

當歸

陳皮

甘草各五分

右作一服水二盞姜三片煎七分不時服

濟強中湯 治食咳生冷過飲酒漿有傷脾胃以致腹脹

人參

青皮

陳皮

丁香各錢半

白朮一錢

附子製

草果仁

乾姜各七分

厚朴姜製

甘草炙各五分

右作一服水盞半姜五片棗一

枚煎八分食遠服○嘔噎加半夏食麪腹脹者加蘿蔔子

秘大異香散 治失飢傷飽痞悶停酸且食不能暮食病名鼓脹

三稜

蓬朮

青皮

半夏麪

陳皮

藿香

桔梗

枳殼炒

香附炒

益智各一錢

甘草炙三分

右咀作二服每服水盞半姜三片棗一枚煎八分食遠服

局紫沉通氣湯 治三焦氣滯不能宣通腹脹便澁

局沉香降氣湯 治中脘脹滿時復脇肋肚痛每要噫氣則快不噫

則不快日漸面浮磨檳榔入紫蘓同煎下保神丸尤妙

局木香流氣飲 調榮衛利三焦行痞氣消脹滿三方並見諸氣門

按木香順氣湯 治濁氣在上則生臌脹

木香 草豆蔻炒色 蒼木製各三分 厚朴製四分

當歸五分 青皮 益智仁 白茯苓

陳皮 澤瀉 乾姜 吳茱萸炒

半夏各二分 升麻 枳胡各一分

右咀作一服水二盞煎服忌生冷硬物惱思房勞

內經曰留者行之結者散之以枳胡升麻之善平行少陽陽明二

經發散清氣運行陽分為君以生姜半夏草豆蔻益智仁辛甘

大熱消散中寒為臣以厚朴木香蒼木青皮苦辛大溫通順滯

氣以當歸陳皮人參之辛甘溫調和榮衛滋養中氣濁氣不降

以苦泄之吳茱萸之苦熱泄之者也氣之薄者為陽中之陰茯苓

苓甘草平澤瀉醎平氣薄引導濁陰之氣自天而下故以為佐

氣味相合散之泄之上之下之使清濁之氣各安其位也○范

天昧夫人先因勞役飲食失節加之憂思氣結病心腹脹滿旦

食則不能暮食兩脇刺痛診其脉絃而細至夜濁陰之氣當降

而不降臍脹尤甚大抵陽主運化飲食勞倦損傷脾胃陽氣不能運化精微故為脹滿先灸中脘乃胃之募穴引胃中生發之氣上行陽道又以前藥助之使濁陰之氣自此而降矣

拔人參芎歸湯 治腹脹煩躁喘急虛汗厥逆小便赤大便黑名曰血脹

人參

木香

辣桂

五靈脂炒

烏藥

蓬朮煨

甘草炙

砂仁各五分

川芎一錢半

當歸

半夏泡各一錢

右作一服水二盞姜五片棗一枚紫蘇葉四箇煎八分食前服

拔中滿分消湯 治中滿寒脹寒疝大小便不通四肢厥冷食入反

出下虛中滿腹中寒心下痞躁寒厥奔豚不收並治之

益智

半夏製

木香

茯苓

升麻各一錢

人參

青皮

川烏製

當歸

柴胡

乾姜

萸澄茄

黃連各六分

黃芪

黃柏

吳茱萸

草豆蔻

厚朴

麻黃

澤瀉各五分

右咀作一服水盞半姜三片棗一枚煎八分食前服忌戒酒色

漿麪食生冷硬物

接廣茂瀆堅湯 治胃滿腹脹內有積塊堅硬如石令人坐卧不安

大便小水帶滯氣促上喘面色痿黃

廣茂煨

黃連

柴胡

甘草

神麴炒

澤瀉各一錢

黃芩

吳茱萸

青皮

升麻各五分

陳皮

草豆蔻

厚朴製

當歸尾

益智各五分

紅花二分

半夏製五分

乾葛二分

右作一服水二盞先浸藥少時煎至一盞食遠服忌酒麪中滿服後漸減積塊未遺再服半夏厚朴湯

半夏厚朴湯

半夏一錢

厚朴八分

神麴六分

枳仁十四粒

黃芩生用

澤瀉

紅花

白茯苓

橘紅

蘓木

青皮

吳茱萸

蒼朮

草豆蔻

黃連

當歸尾

猪苓

三稜

升麻各四分

乾生薑

肉桂

甘草

柴胡

昆布

乾葛各三分

右咀作一服水二盞煎一盞食遠服

良沉香散 治腹脹氣喘坐卧不得

沉香

木香各二錢

枳殼

蘿蔔子各三錢

右作一服水二盞姜三片煎十分不拘時服

直香橘湯 治七情所傷中脘不快腹脇脹滿

香附子

橘皮

半夏各二錢

甘草六分

右咀作一服水盞半姜三片棗一枚煎七分通口服

聖木通散 治胃腹膨脹脇肋刺痛小便赤澀大便不利或腫

木通 紫蘇莖 陳皮 甘草灸各二錢

右咀作一服水二盞姜三片棗一枚燈心十莖煎一盞不拘時

通口服

良甘露散 治脾虛水濕不利腹脹中滿

人參 白朮 茯苓 猪苓各半兩

消石六兩 澤瀉半兩 甘草四錢

右為細末每服三錢食前滾白湯調下

良撞關飲子 治關格不通氣未升脹滿

丁香不見火 沉香不見火 砂仁 白豆蔻

三稜炮 香附米 烏藥各一錢半 甘草灸五分

右作一服水二盞煎七分食遠溫服

良溫胃湯 治憂思聚結脾肺氣凝陽不能正大腸與胃氣不平脹

滿上衝欬食不下脉虛而緊瀼

附子製 厚朴 當歸 白芍藥

人參 甘草灸 陳皮各一錢 乾姜一錢

川椒去合口炒出汗三分 右作一服水二盞姜三片煎一盞食前服

拔中滿分消丸 治中滿腹脹氣脹水脹執熱脹

厚朴製一兩 半夏 枳實炒各半兩 黃芩

乾姜

知母各四錢

茯苓

砂仁

澤瀉

陳皮各三錢

猪苓

人參

姜黃

白木

甘草各一錢

黃連四錢

右為細末湯泡蒸餅為丸如梧桐子大每服一百丸焙熟食後熱湯送寒因熱用故倍服

聖木香搗氣丸 治中滿腹脹下虛損者

木香

胡椒

草豆蔻麵包

青皮各三錢

蘿蔔炒

陳皮各五錢

蝎稍二錢半

右為細末麩糊為丸如梧桐子大每服三十九溫米飲下忌油膩只喫白粥百日為佳量人大小與之若陰囊腫者以青搗白

麩乾姜為末水調敷上

和劑禹餘糧丸 治中滿氣脹喘滿及水氣脹

蛇含石

大者三兩以鉄銚盛入炭火中煨與鉄銚子一樣通紅銚出將藥傾入醋碗中淬之候冷研極細末

真針砂

五兩水淘淨控乾銚內炒入禹餘糧一處用水醋二升就銚內煮令醋乾為度却用銚子同一藥入炭火中煨

令通紅銚出銚子傾藥在淨磚上候冷研極細

禹餘糧

針砂內製 上三品為主其次量人虛實入下項藥

木香

牛膝酒浸

莪朮炮

白蒺藜炒

桂心

川芎

白豆蔻

土茴香炒

三稜炮

羌活

茯苓

乾姜炮

青皮

附子炮

陳皮

當歸酒浸一宿

右各半兩虛人老人全用半兩壯實之人隨意減之共為細末
拌勻以湯泡蒸餅丸如梧桐子大每服五十九空心溫酒下忌
鹽并鹹物犯此則發病愈甚

拔木香分氣丸 善治脾胃不和心腹脹滿脇膨喘咳乾嘔咽喉不

利飲食不化服此最効

木香

檳榔

青皮

陳皮

三稜

莪朮炮

乾姜

姜黃

玄胡索

赤茯苓

白朮

枳殼

肉豆蔻各等分

秋冬加丁香

右為末麩糊丸梧桐子大每服三十丸姜湯下忌生加馬蔴寬

張十全丸 治心腹痞悶脇肋脹滿食少

丁香

木香各一兩

枳殼炒

三稜

蓬朮炮

青皮

陳皮

砂仁

檳榔各二兩

香附子炒四兩

右為細末麩糊丸如梧桐子大每服五十九食前米飲送下

集要 畢澄茄丸 治痞滿脹滿殼脹氣脹皆用

畢澄茄

白豆蔻

砂仁

青皮

蘿蔔子

木香各三分

肉豆蔻

茴香炒

辣桂

丁香各一分半

陳皮三分

右為細末麩糊丸梧桐子大每服三十丸空心陳皮煎湯下

治脹滿攻下劑

三因七物厚朴湯 治腹滿發熱脉浮數飲食如故脹滿者為熱

厚朴製六錢 大黃炒三錢 甘草炙 枳實炒各二錢

桂心 一錢

右作二服每服水二盞姜棗煎食遠温服嘔者加半夏

醫林枳殼劉散 治熱證脹滿

厚朴製 枳殼炒 桔梗各二錢 甘草炙

大黃製各一錢 右咀作一服水二盞姜五片棗一枚煎服

簡桃溪氣實丸 治心腹脹滿腰脇俱病如抱一瓮肌膚堅硬按之

如鼓兩脚腫滿屈膝仰卧不能屈伸一切氣積飲食不下腹內

氣走大便秘結寒熱往來如傷寒宜服此

黑牽牛取頭末 檳榔 青皮各一兩 大黃製一兩半

木香 茴香 羌活 陳皮

川芎 當歸各半兩

右為細末皂角熬膏為丸梧桐子大每服百丸生姜燈心湯下

簡易是齋推氣丸 治三焦痞塞氣不升降腹脹

檳榔 陳皮 黃芩 枳實

大黃 黑牽牛各等分

右為末煉蜜丸梧桐子大每服五十丸臨卧白湯送下

拔萃沉香交泰丸 治濁氣在上而擾清陽之氣鬱而不伸為腹脹

沉香

陳皮去白

白木各三錢

枳實炒

澤瀉

當歸酒洗

白茯苓

吳茱萸湯泡

青皮

木香各二錢

大黃製二兩

厚朴製半兩

右為細末湯浸蒸餅為丸梧桐子大每服七八十九食前白湯

送下微利為度

良消脹丸 治諸脹

木香

大黃

茯苓

厚朴姜製

澤瀉各一兩

黑牽牛取頭末

滑石各六兩

右為細末滴水丸梧桐子大每服五十九食前姜湯下

宣明鷄屎醴散 治心腹脹滿且食不能暮食致成嘔逆鼓脹

鷄屎醴乾者炒

大黃

桃仁各等分

右為末每服二錢水盪半姜三片煎七分食前服

宣明肉豆蔻丸

肉豆蔻

檳榔

輕粉各一錢

黑牽牛取頭末一兩半

右為末糊丸菜豆大每服一二十丸食後連翹湯下日三服

淡寮導氣丸 治諸痞塞關格不通腹脹如鼓大便秘結小腸腎氣等

疾功效尤速

青皮用水蛭等分同炒赤去水蛭

莪朮用蜚虫等分同炒赤去蜚虫

三稜乾漆炒去漆

檳榔斑猫同炒去猫

茱萸牽牛同炒去牛

乾姜硃砂同炒去硃

附子青鹽炒去鹽

赤芍藥川枳炒去枳

胡椒茴香炒去茴香

石菖蒲桃仁同炒去仁

各等分剉與所同炒藥熟去水蛭等不用只用青皮等十味為
細末酒糊丸梧桐子大每服五十丸空心紫蘇湯下
淡
三稜煎丸 治心腹堅脹脇下滿硬胃中痞塞喘滿短氣常服順

氣消積滿除膨脹

京三稜

生半斤搗為細末以酒三升於銀石器內熬成膏子

杏仁泡去皮尖炒黃色

乾漆

炒烟尺

麥芽

炒各二兩

青皮

去穢

蘿蔔子炒

神麩

炒各二兩

礪砂

五錢

右為細末三稜膏為丸梧桐子大每服二十丸食後米飲下

東
巨沉香海金沙丸 治一切積聚脾濕腫脹肚大青筋羸瘦

海金沙

錢半

沉香

一錢

輕粉

一錢

牽牛末

二兩

右為末獨蒜搗如泥為丸梧桐子大每服三十丸煎百沸湯空
心通草湯下量人虛實與之
良
方遇仙如意丹 治氣積氣脹痰癖水蠱與之

白茯苓

青皮

陳皮

各一錢

白豆蔻

白木

人參

丁香

三稜

炮

石菖蒲

砂仁

官桂

蓬朮

炮

遠志

木香

各三錢

山藥

半兩

香附子

五兩

牽牛

頭末半斤

甘草

五分

右為細末醋打糊為丸梧桐子大每服一百二十九臨睡白湯
下看老少虛實加減服忌生冷硬物氣蠱水蠱每服二百丸立

消若風病加地骨皮而婦人月信不調產後腹中有塊作痛並宜服此服後利數行吃冷水一口即止服前甘露飲補之

方小擯榔丸 治脾虛腹脹不食快氣寬中極効

右為末糊丸梧桐子大每服三五十九丸食後姜湯下

林醫陳橘皮丸 治虛勞堅癖腹脹羸瘦飲食不消面痿黃四肢無力

陳橘皮去白炒 木香 擯榔 厚朴製

硫黃另研 大黃炒

右為末煉蜜丸梧桐子大每服三十丸食後米飲或酒下

敷法 治腹脹堅硬如石或陰囊腫大先同甘草煎湯一盞服之

用此藥敷腫處

大戟 芫花 甘遂 海藻各等分

右為末醋糊和藥塗腫脹處



脾俞 二穴在背脊十一推下兩旁肝俞 二穴在九推下兩傍

三焦俞 二穴在十三椎下兩傍各開寸半治心腹脹滿背痛飢食壯逆小便不利羸瘦少氣

分水 一穴在臍上一寸治腹脹遠驛結痛灸百壯愈



一法蹲坐住心捲兩手發心向下左右手揉臂過三歇身盡轉勢

捲頭築肚兩手充脉至臍下來去三七去腹腫急悶食不消化

一法腹中若脹有寒以口呼出氣三十過止

一法若腹中滿飲食若飽端坐伸腰以口納氣數十滿吐之以便為故不便復為之有寒氣腹中不安亦行之

一法端坐伸腰口內氣數十除腹滿食飲過飽寒熱腹中痛

一法兩手向身側一向偏相極勢發頂之氣散下又似爛物解散

手掌指直舒左右相背然去來三三始正身前後轉動膊腰七去腹脹膀胱腰脊臂冷血脉急強悸

一法脾主土要煖始得發汗去風冷邪氣若腹內有氣腹先須煖之摩上下并氣不限遍數多為佳始得左迴右轉立七扭氣如用腰身內一十五法迴轉三百六十骨節動脈搓筋氣血布

二十四氣和調臟腑均氣用頭搖動振呼向上吸氣向下分明知氣去來莫禦平腰轉身摩氣慶迴動盡心氣放散送至湧泉穴不失氣之行度用之有益

易簡諸方

千金方 治心腹脹滿短氣以草豆蔻兩去皮為末以木瓜生煎

湯調下半錢不拘時

衛生易簡方 治心腹脹用蕪青子合水一升和研取汁一盞頓

服少頃得利或吐腹中自寬或得汗愈

又方 治腹滿不能用藥獨蒜煨去皮綿裹納下部中冷即易又

治關膈脹滿大小便不通亦用上法氣立通

又方 用郁李仁合搗末和麩作餅吃入口即大便通利氣便安
大治身體腫氣急臥不得

又方 治腹內氣脹滿喘息不得用葶藶升炒紫色酒浸七日研
爛每服三匙無時酒調下大効

又方 治腹內氣脹用檳榔末每服二錢水煎食前服

梅師方 治腹滿不能服藥用煨生姜如指大一塊綿裹乘熱內
下部中冷即易之

古今醫統大全卷之三十一

水腫門

病機

內經敘論

水脹篇帝曰水脹何如岐伯對曰水始起也目窠上微腫如新卧
起之狀其頸脉動歛陰股間寒足胫脹腹乃大其水已成矣以手
投其膚随手而起如裹水之狀此其候也帝曰膚脹何如岐伯曰
膚脹者寒氣客於皮中鼓之空然不堅腹身大盡腫皮厚按其腹
宵而不起腹色不變此其候也

經曰腎者至陰也至陰者盛水也肺者太陰也少陰者冬脉也故

其本在腎其末在肺皆積水也帝曰腎何以能聚水而生病岐伯
曰腎者胃之關也關門不利故聚水而從其類也上下溢於皮膚
故為膚腫膚腫者聚水而生病也故水病下為跗腫大腹上為喘
呼不得臥也標本俱病故肺為喘呼腎為水腫肺為逆不得臥
又曰肺移寒於腎名曰湧水如溢囊裹漿或遍身腫滿按腹不
堅疾行則濯濯有聲或喘欬不定諸有水氣者微腫先見於目下
經曰下焦溢為水王註下焦為分水之所氣窒不瀉則溢而為水
水腫病源於濕熱

原病或曰或云水腫者由脾虛而不能制其腎水則水氣妄行而
脾主四肢故水氣遊走四肢身面俱腫者似是而實非也夫治水

腫腹脹以辛苦寒藥為君而大利其大小便也經曰中滿者治之
於內然則豈為脾土之虛也此說正與素問相反經曰諸濕腫滿
皆屬於脾又云太陰所主跗腫又曰濕勝則濡泄甚則水閉跗腫
皆所謂太陰脾土濕氣之實甚也又曰諸腹脹大皆屬於熱又曰
諸跗腫疼痠皆所謂心火實熱安得言脾虛不能制腎水之實甚
乎故諸水腫者濕熱之相兼也如六月濕熱太甚而庶物隆盛水
腫之象明可見矣故古人制以辛苦寒藥治之蓋以辛散結而苦
燥濕以寒除熱而隨其利濕去結散熱退氣和而已所以妄謂脾
虛不能制其腎水者但謂數下致之又多水液故也豈知巴豆熱
毒耗損腎水陰氣則心火脾土自盛濕熱相搏則悌鬱痞滿小便

不利而水腫也更宜下之者以其辛苦寒藥能除濕執拂鬱痞為
故也亦由傷寒下之太早而執入以成結胃者更宜陷胃湯丸寒
藥下之又如傷寒誤用巴豆執毒下之而執執轉甚更宜調胃承
氣湯寒藥下之者也若夫世傳銀粉之藥以治水腫而愈者以其
善開拂鬱痞高故也甚不可過度而加害耳况銀粉亦能傷牙齒
者謂毒氣感於腸胃而精神氣血水穀能勝其毒故毒氣循經上
行而至齒齦嫩薄之分則為害也上下齒縫者手足陽明胃之經
也凡用此藥當先固濟或云陰水徧身而又惡寒者是寒者非也
水腫由脾虛所致

盧氏醫鏡以水腫隸於腎肝胃三經而不及脾下文繼以肺金盛

生水水溢妄行之說豈理也哉夫脾土受病肺為之子焉固不能
自盛而生水然肺金氣清而能生水則滋長腎陰奉行降令為生
化之源何病腫之有今為腫之水乃腐濁之氣滲透經絡流注溪
谷灌入總道血亦因之而化水欲籍脾土以制之道守腎氣以利之
殊不知脾病則金氣衰木寡於畏而來侮土脾欲不病不可得矣
治法宜清心經之火補養脾土全運化之職肺氣下降滲道開通
敗濁之氣其稍清者復迴而為氣為血為津液其濁者在上為汗
在下為溺以漸而分消矣盧不明言而更曰制木燥水得非白圭
以隣國為壑乎

直指云賈洛陽以病腫不治必為痼疾雖有扁鵲亦莫能為則知

腫之危惡非他病比也夫人所以得存其性命者水與穀而已水則腎主之穀則脾主之惟腎虛不能行水惟脾虛不能制水胃與脾合氣胃為水谷之海因虛而不能傳化故腎水泛溢反得以浸漬脾土於是三焦停滯經絡壅塞水滲於皮膚注於肌肉而發腫矣其狀目胞上下微起肢體重着咳喘怔忡股間清冷小便澁黃皮薄而光手按成窟舉手即滿是也

水腫最要分陰水陽水之異

丹溪曰陽水者遍身腫煩渴小便赤澁大便秘治以五皮散或四磨飲添磨生枳殼重則疎鑿飲
陰水者遍身腫不煩渴大便溏小便少不澁赤治以實脾飲或木香流氣飲

仲景治法謂身腰已上腫者宜發汗身腰已下腫者宜利小便此即陰水陽水之治法也辨疑謂陽水為病在上風濕之成陰水為病在下寒濕之所致治宜汗利上下分消其濕也其說亦通

水腫有十證不同

金匱千金論曰水腫十證其名不同

一曰黃水 二曰青水 三曰黃

水 四曰白水 五曰黑水 六曰玄水 七曰風水 八曰石水 九曰裹水

十曰氣水 青水根于肝先從面腫漸行周身赤水根于心先從胃

腫而起黃水起于脾腫從腹起白水起于肺先從脚腫而喘嗽上

氣也黑水起于腎亦從足起玄水起于膽先從頭面而致足脛腫

風水起胃先自四肢腫而致通身石水根于膀胱其狀起于臍下

面腹獨大者是也裏水起于小腸先小腹而漸致腫也氣水起于大腸其狀乍來乍去乍盛乍虛此其候也大抵上下不通陰陽不利而致之也

又有**正水****皮水****五臟水**之屬不可不審**正水**者其脉沉遲外證自喘**皮水**者其脉亦浮外證肘腫按之沒指不惡風其腹如鼓不渴當發其汗又云皮水之為病四肢腫水氣在皮膚中四肢聶聶動者防已茯苓湯主之**黃汗風**者其脉自浮外證骨節疼痛惡風寸口脉沉滑者中有水氣面目腫大有熱或身體反重而痠或惡風一身悉腫脉浮不渴續自汗出而無大熱者皆為**風水**其脉自沉外證腹滿不喘裏水一身面目黃腫其脉沉小便不利故

病水也**水**者其身腫而少氣不得卧煩而燥其陰大腫**肝水**者其腹大不能轉側脇下腹中痛時時津液**肺水**者其身腫小便難時時鴨澹**脾水**者其腹大四肢苦重津液不生但苦少氣小便難**腎水**者脘腹大腫腰痛不得溺陰下濕如牛鼻上汗其足逆冷面瘦已上諸證見於脉經大抵水腫之證雖多般其要不出東垣仲景治法身腰已上宜汗之身腰已下宜利小便此得內經所謂開鬼門潔淨府之義也通身腫者先須汗利之使上下分消是也丹溪云**風腫**者皮癢麻木不仁走注疼痛是也**氣腫**者皮厚四肢瘦削腹脇脹膨是也**血腫**者皮間有血縷赤痕者是也婦人懷妊亦有氣遏水道而虛腫者此但順氣安脾飲食無阻既產而腫自

消所謂子腫是也婦人又有腸痺石瘕之證乃是血證別載癥瘕之門

脉候

丹溪曰水腫脉多沉伏病陽水兼陽證脉必沉數○病陰水兼陰證脉必沉遲○脉沉而滑為風水○脉浮而遲絃而緊者皆為腫也○水病脉洪大者可治微細者不可治○水病脹閉其脉浮大輕者生沉細虛小者死○水腫腹大如鼓脉實者生虛者死洪大者生微細者死○中惡腹大四肢滿脉大而緩者生浮而緊者死腹脹便血脉大時絕劇脉小疾者死○腫脉緊而榮衛俱絕面浮腫者死

水腫危候

大凡水腫先起於腹而後散四肢者可治先起於四肢而後歸於腹者不治○掌腫無紋者死○大便滑瀉水腫不消者死○唇黑唇腫齒焦者死○臍腫突出者死○缺盆平者死○陰囊及莖俱腫者死○脉絕口張足腫者死○足跗腫膝如斗者死○肚上青筋見瀉後腹腫者死○男從身下腫上女從身上腫下皆難治

治法

內經治水腫法

湯液醪醴論篇帝曰其有不從毫毛生而五臟陽以竭也津液充郭其魄獨居孤精于內氣耗于外形不可與衣相保此四極亟而動中是氣拒于內而形施于外治之柰何岐伯對曰平治于權衡

去菟陳莖是以微動四極溫衣繚刺其處以復其形開鬼門潔淨

府內經要旨註明與下參看不從毫毛生謂病生於內者陰氣內

盛陽氣竭絕不得入於腹中故言五臟陽以竭也津液者水也

充郭皮中陰蓄於內水氣脹滿上攻于肺肺氣孤危魄者肺神腎

為水害子不救母故云其魄獨居也夫陰精損削于內陽氣耗滅

于外則三焦閉溢水道不通水滿皮膚身體不腫故云形不可與

衣相保也凡此類者皆四肢脈數急而內鼓動於肺中也肺動者

謂氣急而效也如是者皆水氣格拒於腹膜之內浮腫施脹於身

形之外又筋標本其可得乎平治權衡謂察脈浮沉脈浮為在表

脈沉為在裏在裏者泄之在表者汗之故云開鬼門潔淨府也去

菟陳莖謂去積久之水物猶如草莖之不可久留于身中也故耳

丑批微義云鬼門者幽玄之謂有毛竅而不見其開闔邪氣感入

邪與正相搏毛竅閉塞而寒熱作為病客於表故宜發汗遣邪氣

以明也此亦發汗之別稱發泄諸病在表之通例也淨府者謂膀

胱內无入孔而外有出竅為清淨津液之府逢腎氣臟氣化水穀

之精而滲入腑中氣約成溺出也夫腎主下焦司開闔關竅二陰

肺脾之氣通調水道下輸膀胱氣化水行而自清淨否則便澁或

濁或淋為水氣溢于腠理為肘腫諸病若菟屈陳莖壅滯于身中

當泄去是物而清淨宜此二法在表者汗之在裏者泄之權衡於

治也雖然經云水病本之于肺腎二經而古今方論並不以治水

濁瀉腎氣為說者何蓋腎陰奉行降令為生化之源而常不足至

陰精損削於內生氣不能運化至為胸腫其索矣况肺弱而母氣

孤危者乎故東垣曰若治以甘淡滲泄陽藥獨陽無陰其欲化得

乎此深願已上治例之妙也如積飲留飲傷脾若土之於雨中則

水腫繚刺法

如舊而不腫故曰繚刺其處以復其形也

內經曰經脈滿則絡脈溢則繚刺之以調其絡脈其絡脈使形容

如舊而不腫故曰繚刺其處以復其形也

玉機云繚刺謂不分其隊穴而刺之也故此水熱穴論無刺水穴

分大法水溢於表或腹脹或四肢雖腫而氣稍實脈浮洪者宜行

此至病氣孤危脉微弱而四肢水氣盛實者令人往往繆刺之禍
不旋踵蓋不審經言脉滿絡溢宜繆刺之理也

治水腫以利小便為標以實脾土為本

水腫本因脾虛不能制水水漬妄行當以參朮補脾使脾氣得實
則自健運日能升降運動其樞機則水自行大抵只宜補中行濕
利小便切勿不可下用二陳湯加人參蒼朮白朮為主佐以黃芩麥門
冬炒梔子制肝木若腹脹少佐以厚朴氣不運加木香木通氣若
陷下加升麻柴胡提之隨病加減必須補中行濕二陳治濕加升
提之藥能使大便潤而小便長

產後必須大補氣血為主少佐蒼朮茯苓使水自降用大劑白朮

補脾若壅滿用半夏陳皮香附蕪之

有熱當清肺金麥門冬黃芩之屬

南北易地之人不服水土而腫者宜用胃苓湯或因飲食所傷而
腫者宜以消導散或因氣鬱濕熱而腫者宜用清熱分氣飲遇仙
丹木香檳榔丸因瘡洗逼毒歸內而腫者當以消風敗毒散此數
條為有餘之證治法當發汗利二便以治標或因瀉痢後而腫者
宜以白朮散或因病後久瘡服藥過度而腫者宜以四苓五皮飲
或分產後敗血而腫者宜以分氣補心湯已上皆為不忌之證宜
分氣養脾脾實自能攝養腎水其腫自消

諸家治水腫只知道導濕利小便之說執此一途用諸去水之藥往

往多死又用導水丸舟車丸神祐丸之類大下之此速死之兆蓋脾極虛而腫愈下愈虛雖劫目前之快而陰損正氣禍亦不旋踵而至大法只宜補中宮為主看所挾加減不尔則死當以嚴氏實脾散加減要知從治塞因塞用之理然後可以語水腫之治耳有久病氣虛而浮手足皆腫是虛氣妄行有產後與經事過多者皆血虛也無脉虛弱者宜調補氣血

凡水腫初病傷於酒濕麪熱之類未經攻下消導亦可以三聖散牽牛枳實蘿蔔子三味看大小虛實與之實者三花神祐丸舟車丸禹功散選用之大忌羊肉其性極補水腫食之一日一愈

水腫朝寬暮急者血虛暮寬朝急者氣虛朝寬暮急者氣血俱虛今

人不論氣血陰陽只行利藥利之再三而愈甚者多見其不知陰陽妙用也

治案

子和治一人因道中渴飲水過多漸成腫滿或用三花神祐丸憚其太峻或用五苓散分利水道又太緩淹延數多終無一效蓋粗工之技止于此耳其後手足與腎皆腫大小便皆秘澁常仲明求治于戴人戴人令仲明付藥未及至而歿戴曰病水人甚者勢如長川泛溢欲以杯酌取之難矣必以神禹決水之法斯愈

又治一人病涌水面黃而喘兩足皆腫按之陷而復起行則濯濯有聲常欲飲水不能睡卧戴人令上涌去痰而汗之次以舟車丸

濬川散下之以益腎散復下之以分陰陽利水道之劑復下之水
盡瘡戴人治案皆初病而實元氣未虛者當如此治今人蓋謂子和之法不善豈理也哉

集成治一人能大殮食肉必泄忽腫頭目甚目不能開膈滿如築
足麻至膝惡風陰器挺長脉左沉重取不應右短澁令單煮白朮
湯空心服探吐之後以白朮二錢麻黃川芎各五分防風三分作
湯下保和丸五十丸吐中得汗上截居多腫遂退眼開氣順食進
以前方去麻黃防風加白朮三錢木通通草各五分煎下保和丸
五十丸五日而安

又治一婦人素多怒因食燒肉面腫不食身倦脉沉瀼左豁大此
體虛有痰氣為痰所隔不得下降當補虛利痰為主每早以二陳
湯加參朮大劑與之後探出藥辰時後用三和湯三倍木睡後以
神祐丸七丸撓其痰一月而安

藥方

赤小豆燥濕利小便最効人但忽畧之

土狗身黃腰細前二爪如鉅居土穴焙乾為末治水腫用上半身即消上身之水

下半身即消下身之水分兩邊左可以消左右可以消右方士用
此特竒以詐利耳

香薷治水腫甚捷有徹上徹下之功肺得之則清化行而水自下
用大葉者煎成膏丸服可治水腫



陰麻黃甘草湯 治腰已上水腫者宜此汗之

麻黃 一兩 甘草 五錢

右咀作二服每服水二盞先煮麻黃三四沸去沫入甘草再煎至八分食遠執服取汗有人患氣喘積久不瘥遂成水腫服此

金越脾湯 治風水惡風一身悉腫脉浮不渴續自汗出無大熱

麻黃 石膏 各四錢 生姜 二錢 甘草 一錢

大棗 二枚 右咀水煎服惡風加附子古今錄驗加白朮

金麻黃附子湯 治水腫其脉沉細属少陰

麻黃 三錢 附子 甘草 各二錢 右作一貼水煎服

金防已茯苓湯 治水病四肢腫水氣在皮膚中四肢聶聶動

防已 黃耆 桂枝 各二錢 茯苓 六錢

甘草 一錢 右咀作二服水煎

金黃耆芍藥桂枝苦酒湯 治黃汗之為病身體腫發熱汗出而渴

狀如風水脉自沉

黃耆 四錢 芍藥 桂枝 各二錢

右咀作一服水煎入苦酒相和服

和小續命湯 治風腫面皮粗麻木不仁加麻黃有熱去附子法宜

先服 **三和散** 方見氣門 一二服後用此續命湯 方見風門

和香蘇散 治上氣咳喘面目俱浮

水腫分別諸劑

和五苓散 治腫脹濕熱小便不利 方見

淡五皮散 治面目虛浮四肢腫滿心腹脹上氣喘息

陳皮 桑白皮 大腹皮 茯苓皮

生薑皮 各等分 右咀每服五錢水煎

經大橘皮湯 治濕熱內甚心腹脹水腫小便不利大便滑泄

陳皮 二錢 滑石 一兩 木香 二分 檳榔 六分

白木 茯苓 猪苓 澤瀉 各錢

官桂 各四分

右咀作二服每服水二盞姜二片煎八分食遠溫服

藥院 葶藶木香散 治濕熱傷脾水腫脹腹小便赤大便滑

葶藶 木香 茯苓 肉桂

猪苓 澤瀉 木通 各一錢 滑石 五錢

白木 二錢 甘草 右作一服水二盞煎食前服

宣白木木香散 治喘嗽腫滿欲成水病不能卧不能食小便秘

白木 赤茯苓 猪苓 澤瀉

甘草 木香 檳榔 各一錢 陳皮 二錢

官桂 五分 滑石 五錢

右咀作二服每服水盞半姜二片煎八分通口溫服

生濟 疎鑿飲子 治水氣遍身浮腫喘呼氣急煩渴大便不利

澤瀉 赤小豆 炒 商陸 羌活

出幼科水腫門

大腹皮

椒目

木通

秦艽

檳榔

茯苓皮等分

右咀每服七錢水二盞姜五片煎服

丹加味五皮散 治遍身腫滿不分陰水陽皆可服

陳皮

赤白皮

赤茯苓皮

生薑皮

大腹皮各一錢

姜黃

木瓜各一錢

右作一服水煎一方去陳皮用五加皮地骨皮

三消腫丸 治水腫喘滿小便不利

滑石

木通

白朮

黑牽牛炒

茯苓

茯苓

半夏製

通草

陳皮各二錢半

木香一錢

藿麥

丁香各半兩

右為末酒糊丸梧桐子大每服五十九食前燈心麥門冬湯下

良方木香分氣湯 治四肢浮腫腹脹中滿脇肋膨虛氣留滯上衝小

便臭濁

木香

檳榔

赤茯苓

猪苓

澤瀉

半夏製

枳殼麩炒

紫蘆子各等分

右咀每服七錢水二盞姜三片煎八分入燈心麝少許食遠服

濟生赤小豆湯 治氣血俱熱遂生瘡疥變為腫滿或煩或渴

赤小豆炒

當歸

商陸

澤瀉

桑白皮

連翹

赤芍藥

漢防已

猪苓

澤瀉各五分

右咀水盞半姜三片煎八分食遠服熱甚加犀角

經 茯苓散 治諸般氣腫

芫花醋拌炒

澤瀉

郁李仁

甜葶藶

漢防已

藁本各三錢半

陳皮去白

白茯苓

白檳榔

瞿麥各半兩

滑石

大戟各七錢半

右為細末每服二錢桑白皮煎湯空心調下取下碧綠水如爛

羊脂為度忌食百日

醫 白木澤瀉散 治痰病化為水氣傳變水鼓不能食

白木

澤瀉

陳皮去白

木香

檳榔

茯苓各等分

痞加枳實

腫加牽牛

右咀每服七錢水二盞姜三片煎八分食前服

拔 導氣通經湯 治脾氣有餘氣不宣通面目手足浮腫

陳皮去白

桑白皮

白木

木香

茯苓各一兩

雨水時加澤瀉

右咀每服八錢水二盞煎一盞通口服

直 蘿藦子飲 治水病浮腫

蘿藦子生半兩

赤茯苓

牽牛末炒

葶藶炒

甘草

半夏製

川芎

檳榔

青木香

辣官桂

青皮

陳皮

白商陸

各三錢

右咀每服三錢水盞半姜四片煎服

成集
導水飲子 治水飲腫脹

吳茱萸 三錢

黃連

茯苓

蒼朮 各一兩

滑石 七錢半

右為細末滴水丸每服七十九食前車前子燈心湯下

良方
人參木香散 治水氣腫病

人參

木香

茯苓

白朮

滑石

猪苓

澤瀉

甘草

檳榔

琥珀 各等分

右為末每服五錢水盞半姜三片煎七分不拘時日進三服

拔
楮實子丸 治水氣鼓脹潔淨府

楮實子

一斗五升膏

白丁香 一兩

白茯苓 二兩

左二味為末用膏子為丸梧桐子大服至小便清利及腹脹消為度後服補中調養藥

病
白茯苓湯 名變水

白茯苓

澤瀉 各二兩

郁李仁 二錢

右咀作二服每服水盞半煎七分常服從少至多或煎熟入姜汁和麩或作粥飭常服五七日後脹下再與白朮散

病
白朮散

白朮

澤瀉 各半兩

右為細末用茯苓三錢煎湯調下或丸服亦可三十九從少至
多後治以黃耆建中之類調養之忌房室猪魚塩醬麪食
良三白散 治膀胱蘊執風濕相乘陰囊腫脹大小便不利

白牽牛 二兩

白朮

木通

桑白皮 微炒

陳皮 各兩半

右為細末每服二錢空心姜湯調下小兒五分

治腫脹解利諸劑

按香蘓飲 治水氣虛腫小便赤澀

陳皮 一兩 去白

紫蘓

漢防已

木通 各半

右咀每服一兩水二盞姜三片煎一盞食前通口服

聖紫蘓橘皮湯 治遍身腫滿臟腑自利

紫蘓

橘皮

蘓子

大腹皮

香附子

茯苓 各五分

木香 三分

半夏 製

檳榔

桔梗 各四分

五味子

甘草 各二分

右咀每服一兩水二盞姜三片煎一盞通口服

索三和湯 治脾濕腫滿

陳皮

厚朴 姜炒

白朮

檳榔 各一錢

紫蘓 七分

海金沙

木通 各五分

右咀作一服水盞半姜三片束一枚煎服

良加味枳木湯 治氣為痰飲所遏名曰氣分脹滿

歌曰 氣分中滿并胃痺 二者雖殊皆此類

腎煙氣實中滿虛 氣分挾飲茲為異

跌陽微遲寸遲澹 兩處推求病端的

陰氣不通則骨疼 陽氣不通身冷劇

陰氣前通痺不仁 陽氣前通惡寒慄

陰陽相得氣乃行 氣轉即散分虛實

實則失氣虛遺尿 腹滿脇鳴何以治

心下堅大似旋盤 桂附木湯為最妙

枳殼

白朮

辣桂

紫菀莖葉

陳皮

栝榔

桔梗

五靈脂炒

木香各半錢

半夏

茯苓

甘草各一錢

石咀作一服水盞半姜三片煎七分食前溫服

^聖赤茯苓丸 治水濕太過四肢腫滿喘急風不宣通

葶藶四兩

漢防已二兩

赤茯苓一兩

木香五錢

右為末棗肉丸如梧桐子大每服五十丸桑白皮湯下

狼楮白皮散 治風毒氣遍身腫滿

楮白皮

猪苓

木通各一錢

紫蘓

桑白皮各錢半

陳皮去白五分

右作一服水盞半姜三片煎七分不拘時溫服

良檳榔散 治石水病腹光緊急如鼓大小便澀

檳榔末半兩

商陸

生姜各一兩

桑白皮一兩半

甘草

分

右除檳榔外用水二盞煎一盞去渣五更初分

二服每服調檳榔一分平明當利如不利再服

良大半夏湯 治脾土受濕不能製水水漬於腸胃溢於皮膚漉漉

有聲怔忡喘息名水脹

半夏製

陳皮

茯苓

桔梗

檳榔

甘草

各等分

右咀每服五錢水盞半姜三片煎八分食前溫服

良鯉魚湯 治卒浮腫上氣喘急小便急澁大便難

鯉魚

一斤去腸肚鱗洗淨

赤茯苓

桑白皮

猪苓

澤瀉

紫蘓

各一兩

杏仁

去皮尖及雙仁者炒

右咀先用水五升煮魚取汁三升去魚內藥煮至二升食前溫

服一盞魚亦食之妙

良蕪水茯苓湯 治水腫頭面手足遍身腫如爛瓜之狀手按而塌

陷手起隨手而起突喘滿倚息不能轉側不得卧不得食小便

秘澀溺出如割而絕少雖有而如黑豆汁者服喘嗽氣逆諸藥

不効用此即愈亦常驗其病重之人煎此藥時要如熬阿刺吉

酒相似約水一斗止取藥一盞服後小水必行時即漸多直至

小便變清白色為愈

赤茯苓

麥門冬

澤瀉

白朮

各三兩

桑白皮

紫蘓

桔梗

木瓜

各一兩

大腹皮

陳皮

砂仁

木香各七錢半

右咀每服半兩水二盞燈心五根煎五分空心服如病重者可

用藥五兩再加麥門冬二兩燈草半兩以水一斗於砂鍋內熬

至一大盞五更空心服查再煎連進三服自然水利

沉香琥珀丸 治水腫一切急難證小便不通者

琥珀

杏仁去皮

紫蘓

赤茯苓

澤瀉各半兩

葶藶炒

郁李仁

沉香各兩半

陳皮去白

漢防已各七錢半

右為細末煉蜜丸梧桐子大以

麝為末每服二十五丸加至五十丸空心人參湯下

三復元丹 治脾腎俱虛發為水腫四肢虛浮心腹堅脹兩目下腫

小便不通

附子炮

木香

茴香

川椒

厚朴

白朮

陳皮

吳茱萸

桂枝各一兩

澤瀉兩半

肉豆蔻煨半兩

檳榔半兩

右為末神麩糊丸梧桐子大每服五十丸紫蘓湯下

百葶藶丸 治腹中有濕熱目下微腫如新卧起之狀而足脛微腫

病在腎腎少陰也標在肺肺太陰也故滿氣急咳嗽喘息有音

每就卧則右脇有氣上衝兩腋與缺盆相牽引不快少思飲食

甜葶藶另研

牽牛半生半炒

白朮各半兩

桑白皮

赤茯苓

漢防已

羌活

陳皮

澤瀉

郁李仁湯泡去皮炒紫
色另研各三分

右為細末煉蜜丸如梧桐子大初服十丸加至三十丸空心及晚食前生姜橘皮湯送日進二服以知為度

濟生 三仁丸 治水腫喘息大小便不通

郁李仁

杏仁泡去皮尖

薏苡仁各一兩

右為末米糊丸如梧桐子大每服四十丸米飲下

大腹皮

香附子炒

白茯苓

桔梗各一錢

木通

甘草炙

川芎

前胡

青皮

枳殼炒

白木炒各七分

木香五分

右咀作一服水二盞姜三片棗一枚煎八分食前服

治水實脾調劑

濟生 實脾散 治陰水發腫凡此先實脾土

厚朴製

木瓜

木香

附子製

乾薑

草果仁

大腹皮各錢半

甘草炙五分

右作一服水二盞姜五片棗一枚煎七分不拘時服一方加白木茯苓

補脾藿香散 治脾受水氣喫藥轉了服此藥以補之

藿香

丁香

羌活

紅豆

川芎

獨活

木香

草豆蔻

甘草炙各五分

乾薑八分

陳皮一錢

右為細末每服二錢水一盞煎三五沸空心和水服之

濟加味腎氣丸 治腎脾俱損腰脚皆腫小便不利

白茯苓 三兩 附子 兩 製半 澤瀉 去毛 桂枝

川牛膝 車前子 山藥 山茱萸肉 兩 各一

牡丹皮 一兩 熟地黄 四兩

右為末煉蜜丸如梧桐子大每服七十丸空心米飲下

直薑薤散 治胃滿腹腫大瀉不止時或乾嘔

人參 厚朴 製 草果仁 良薑

訶子 煨 白薑 生 藿香 丁香

蒼朮 製 陳皮 甘草 各各 丁香

肉豆蔻 煨 麩色火 砂仁 各各 茯苓 各半 右咀每服三錢

水煎食前服仍以木香砂仁煎湯濃調正料參苓白朮散佐之

三當歸散 治水腫之疾多由腎水不能攝養心火土無所滋水溢

因 泛濫滲透經絡發為浮腫

當歸 木香 肉桂 赤茯苓

白朮 陳皮 木通 赤芍藥

檳榔 牡丹皮 各等分

右咀每服五錢入紫蘇五葉木瓜一片煎服

水腫攻下諸劑

司神助散 治十種水氣面目四肢浮腫以手按之隨手而起效嗽

喘急不得卧小便澀大便秘

澤瀉 一兩

楸目 兩半

猪苓 二兩

黑牽牛 頭末一兩

葶藶 三兩

右為末每服三錢水煎入酒調服

秘方木香塌腫散 治水腫二便秘澁 方見脹滿門

秘方大戟散 治水腫腹大如鼓或遍身俱腫

大戟

白牽牛

木香 各等分

右為細末每服三錢以猪腰子一對批開擦藥在內燒熟空心

食之如食左腰子左臂塌消右消右如腫不盡於腹邊塗甘遂

末飲甘草水少許其腫自消

神効木香散 治二十四脹鼓病

木香

沉香 各二錢

砂仁

葶藶

益智仁

連翹 各三錢

桑白皮

白牽牛 半炒

陳皮

枳殼

木通

黑牽牛 半炒

楸目

青皮

澤瀉

大黃 各半兩

檳榔

胡椒 各一錢

甘遂 四錢

右為細末米醋糊為丸如梧桐子大每服五錢空心五更嚼葱

白湯下 消上次服橘皮湯下 消中三服桑白皮湯下 消下尚有餘腫沉

香湯下忌鹽醬

大腹皮散 治風水身體浮腫發歇不定上氣喘急肢節疼

大腹皮

桑白皮

川芎

漢防已

羌活

青皮

大黃

檳榔 各七分

桂心

甘草 各三分

右咀作一服水盞半姜三片煎六分不拘時溫服

十棗湯 治水氣四肢浮腫上氣喘急大小便不通 方可為丸

三花神祐丸 治前症 舟車丸 濟川散 四方並見痰飲門

聖 牽牛湯 治腹中濕熱之脰微腫中滿氣急咳嗽喘息小便不利

牽牛 頭末一兩 厚朴 姜製五錢

右為細末每服二錢姜棗湯調下或水丸服

聖 順氣丸 一名氣寶丸 治腰脇俱病如抱一氣肌膚堅硬按之如鼓脚腫

不能屈伸脊瘦露骨四肢無力

木香 茴香 炒 羌活 檳榔

木瓜

川芎

當歸 酒浸各兩

黑牽牛 二兩

青皮

陳皮 各一兩

大黃 兩半

皂角 四兩

右為細末熬皂角膏丸如梧桐子大每服五六十九溫湯下

楊 十水丸 治十種水腫四肢脹滿面目虛浮以手按之少時方起

喘急不得卧小便赤澁

遠志

石菖蒲

樹目

羌活

大戟

肉豆蔻 麩包煨各一兩 澤瀉

猪苓

胡葶藶 炒

白牽牛 炒各半兩

右為末麩糊丸如梧桐子大每服三十九米飲下

良 半邊散 治諸般水腫

菟花醋浸

甘遂

大戟

大黃各三錢

土狗七枚五月內取細腰能飛者

右先以葱搗爛為餅攤新瓦上將土狗攤葱上焙乾去翅嘴每箇剪作兩片分左右成對記之再焙乾為末欲退左邊腫即以左七片為末入前藥二錢調服右邊如之淡竹葉天門冬煎湯調五更脈候左邊退至四日服右邊如或末動只以大黃三錢煎至一半助之如不動茶清助之

狼神助丸又名其蘇廿

治十種水氣面目四肢遍身俱腫

大戟

一青水先從左脇腫起根在肝

葶藶

二赤水舌根腫起一云脚跟腫起根在心

甘遂

三赤水腰腹腫起根在脾

桑白皮

四白水從脚腫起根在肺

連翹

五黑水從外腎腫起根在腎

芫花醋炒

六玄水從面腫起根在腎

澤瀉

七風水從四肢腫起根在骨

藁本

八石水從腎腫起根在膀胱

巴豆去油

九蒿水從小腹腫起根在小腸

赤小豆

十氣水或盛或衰根在腹

右十味用所主藥一兩餘者各半兩研為細末煉蜜為丸梧桐子大每服十九茯苓湯下一日三服忌鹽百日及魚蝦麪食一

古今醫統卷之三十一
切毒物房事半年病愈後更服鴨頭丸

生鴨頭丸 治濕熱遍身悉腫腹脹喘急二便秘澀

甜葶藶

微炒

猪苓

防已

各一兩

右為細末取絲頭鴨血和丸如梧桐子大每服七十九食前白

湯送下

雄黃神金散 治十種水腫證候

桑白皮

雄黃

莞花

醋炒

甘遂

大戟

茯苓

澤瀉

葶藶

椒目

巴戟

右為細末所主藥加倍餘各等分每服二三錢空心用井水調

服以利為度量入虛實加減治法如前

良方防已湯 治膜外氣水病不限年月深淺浮腫大喘

防已

大戟

木香

赤茯苓

海蛤

楸目

白朮

犀角屑

葶藶

防風

木通

訶子肉

陳皮

牽牛

檳榔

郁李仁

桑白皮

紫蘊

各一兩

大黃

二兩

麝香

少許湯搗去脚

右咀分作二劑以水三升鬲宿浸明日五更用文火煎減去一升攪取飲可三盞平日空心先飲一盞如人行五里又服一盞至第三服如藥冷用重湯煖之不可冷服若久病腹中虛服至

第三盞則微利三兩行若腹中實者至日午即轉瀉宜用盆盛
驗之必有汚濁黃水或青黑之物出三五升並氣化為之瀉若
不甚濁困倦切勿止之必自住若覺力乏即服漿粥補之後隔
三五日又服一劑仍依此法服之按徒都先生云服第一劑則
病減半至第二劑則去根本前後歷試重者朝及二劑而暮已
瘥根本深者服藥即腫消能起但覺小腹內有塊結則須後劑
其藥滓慎勿拋棄布囊盛懸於風中他日或有微覺發動則更
煎可更治兩人徒都先生云人家有此藥滓懸於戶上一家終
不患疫氣此飲不獨治水氣凡是氣病皆治之若患肺氣不限
年月深淺於此十二味中減去大黃及訶子加貝母人參必重

便前每日空心服之當去病根有患肺氣困重者因逢患水氣
人服此藥偶得一盞服之永瘥有人患脚氣時時衝心服此亦
除根本以此推之但是氣病皆治不獨治水氣而已婦人有孕
服之亦無妨小兒老人隨意增減

良退腫集賢丸 治諸腫

商陸

猪苓

漢防己

苦葶藶

枳實

滑石

海金沙

黑牽牛

大腹皮

赤茯苓

各一兩

巴豆

二十七粒去油

黃連

淨一兩

右為細末煨蒜搗爛為丸梧桐子大每服二十五丸五更溫服
兩日一次初服商陸湯下次服赤豆湯下三服木瓜湯下

雄黃木香散 治男婦八十種水氣取水法

大鯽魚 一尾去腸肚入大戟甘遂各二錢半

雄黃 另研

黑牽牛

木香 各半

土狗 一枚另研

右以大戟甘遂一半入魚內煨

令焦取出焙乾同衆藥研為末每服二三錢冷水調下

暄牽牛丸 治一切濕熱腫滿等疾

黑牽牛

黃芩

大黃

大樹

滑石 各等分

右為末酒煮麩糊丸梧桐子大每服五丸至七丸姜湯下

聖牛郎丸 治諸水腫

檳榔

枳殼

黑牽牛

白牽牛 半生熟

右各等分為細末水丸梧桐子大每服五六十九商陸湯下

良奪命丸 治水氣腫病

大戟 炒

甘遂 炒各一分

苦葶藶 五錢半生半炒

澤瀉 一分半

右為細末煮棗肉為丸梧桐子大若四肢腫者名為順水溫漿

水下三丸星月上時服至天曉利下惡物若四肢瘦腹腫者名

為逆水以苦葫蘆子陳麩煎湯下二便頻快是効

生商陸 切如豆大

赤小豆 各等分

鯽魚 二尾去腸肚留鱗

右將二味實裝魚腹中線縛水三升慢火煮豆爛去魚取二味

空心食之以魚汁送下甚者過二日再為之不過三劑瘥

醫溫白丸 治一切積聚腹中有塊久久不治變成腫脹

川烏 製二兩半

皂角 去皮子炙

巴豆 炒去油各五分

厚朴 姜炒

吳茱萸 炮

紫苑

茯苓

人參

桔梗

菖蒲

紫胡

乾薑 炮

肉桂

川椒 炒出汗

黃連 各五分

右除巴豆另研外餘為末入巴和勻煉蜜丸梧桐子大每服七

丸食遠姜湯下治氣腫水腫腹中有塊用木香木瓜檳榔商陸

磨湯下 **血腫** 者有赤紫紋用蘓木桃仁赤小豆煎湯下

直行水丸 治前證

葫蘆巴 炒

破故紙 炒

砂仁

葶澄茄

川椒 淨炒出汗

烏梅肉 各二錢半

木香

牽牛 炒各半兩

巴豆 畧去油錢半

右為末麩糊丸菜豆大每服五丸食後姜湯下

塗臍膏 治腫滿小便少

地龍

猪苓

鐵砂 各等分

右為末葱涎調內臍中寸高以帛束之

灸

水

石

里

水

溝

一穴在臍上一寸灸七壯療腹腫不能食若是水病宜灸

一穴當臍中灸三壯主水腫鼓脹腸鳴如流水之聲極効

一穴在臍下二寸灸七壯主水脹水氣行皮中小便黃氣滿腫

二穴在膝下三寸筋外臍兩筋間灸七壯主水腹脹皮腫

一各人中在鼻下灸三壯主一切水腫人中平滿證

水腫證惟得鍼水溝若鍼餘穴水盡即死此明堂銅人所戒也
庸醫多為人鍼分水誤人多矣若其他穴或有鍼得瘡者特幸
焉耳大抵水腫禁鍼不可為法

易簡諸方

一方 治水腫用黑豆一升水五升煮三升去滓入酒五升更煎
取三升分溫三服未瘥再服

一方 用鯉魚一箇極大者去頭尾及骨惟取肉以水二斗赤小
豆一升合煮取二升已上用生布絞去滓頓服盡如不盡分三
服利盡即瘥

一方 治十種水腫用鯉魚和冬瓜葱白作羹食之

一方 治水腫氣脹不消食用**香薷**不拘多少細咀入釜中水浸
上數寸煮使味盡去滓澄清熬稠凡如梧桐子大每服五九日
三服漸增以小便利為度

一方 治身體手足卒腫用蚯蚓糞為末臈醋調塗患處愈

一方 治遍黃腫用瓜蒂三四錢焙乾為末用半字吹鼻內日一
度吹三四日如不愈後用黃芩末五錢煎湯下

兵部手集 治水病初得危急**冬瓜**不拘多少白水熟煮任意食
之神効無比

又方 治前症以**烏牛尿**不拘多少每日服一盞頓用効

肘後方 治遍身卒腫用皂角刺炒黃色剉三升酒十盞煎四盞

每服一盞日二服効

又方 治前症甘遂一分為末猪腎一枚分為七齣滲甘遂入內以慢火炙熟作一服食之覺腹脇鳴二便利為驗

又方 兔絲子一升酒五碗漬三宿去滓每服一盞溫服日二進千金髓方 治水病肚脹四肢腫用黃瓜一根切開勿去子以醋煮一半水煮一半俱爛空心頓服

又方 用棗子一斗放鍋入水滄四指用大戟連根苗放在上煮熟去大戟時時吃之棗盡即愈

又方 治男子婦人積年脚氣腫痛及肚腹壘脹商陸不拘多少切碎無灰酒煮熟連查吃如鼓腫同米煮粥服忌鹽醬

又方 以杏仁去皮尖研碎同粳米煮粥食之

外臺秘要 治一切水腫用紅花二兩杵爛入水半盞取汁服之不過三服便愈

又方 治水腫用苦葫蘆子炒為末每服二錢陳皮木通煎湯下

又方 治酒腫脾虛發腫用醋煮香附子焙乾為末醋糊丸梧桐子大每服五十九白湯下

又方 治脚氣水腫頭面俱腫心腹滿小便不利以馬齒莧一握和少粳米醬汁煮食之

太平聖惠方 治十種水病腫滿喘促不得卧以蝮螻五枚晒乾為末用食前白湯下五分七或至一錢小便通為効

又方 治水氣遍身浮腫氣促坐臥不得用牽牛一兩微炒搗為末用烏牛尿三盞浸一宿平旦一服葱白一握煎十餘沸去滓空心分為三服水從小便中利下

梅師方 治水腫不能坐卧頭面遍身悉腫取**葫蘆**根刮去皮搗汁一合空心熱服當微吐即愈

又方 治前症用東引花素枝燒灰一升淋汁煮赤小豆一升空心食令飽飢則食之不可飲湯

又方 治水腫不能服藥**商陸**二兩剉羊肉六兩以水五升熬取二碗極爛去商陸留肉用葱豉作脯如常食之

又方 治水腫用續隨子一兩去殼研以紙裹出油研為末分作

七服男温酒下女荆芥湯下三服得利即止忌塩醬百日

崔氏方 治水氣用葦蘆三兩以物盛甑上蒸令熟即搗萬杵成

膏丸如梧桐子大每服二十九漸加至三十九食遠姜湯下微利則愈不可多服令人飲食不美若氣喘亦服之若氣下即止

此方治水氣無比

經驗方 治水病用樟柳根去粗皮薄切晒乾為末用黃蘗魚三頭**大蒜**三瓣煮豆一合以水一大碗同煮豆爛為度將豆任意先喫了却以汁調藥末一錢七其水化為清氣散去

合附陰腫門

病機

夫陰腫者皆由膀胱蘊熱風濕相乘或濕熱水腫流注或疝氣攻
作或暴風客熱及小兒啼叫怒氣結聚或虫蟻吹毒所致詳其所
因施以方治

藥方

三白散 治膀胱蘊熱風濕相乘陰囊腫脹二便不利

白丑 二兩

桑白皮

白木

木通

陳皮 各半

右為末每服二錢空心薑湯調下小兒服五分

地龍膏 治大人小兒外腎腫或疝氣風熱暴腫及陰瘡腫

生乾地龍 不拘 為末先以葱淋湯無風處洗用津調敷外腎或

用熟雞子清調敷或加牡蠣末尤佳

桃仁丸 治小兒啼叫怒氣閉於下結聚陰腫不散

桃仁 去皮尖

官桂

牽牛 炒為末

白茯苓

牡丹皮

大黃 各三錢

右為末煉蜜丸如梧桐子大每服五七丸不拘時用青皮木

通葱白鹽少許同煎湯送下或煎**木香流氣飲** 方見氣門

牡蠣散 治小兒陰莖腫通明

牡蠣粉為細末先用津調 處次以粉擦之桃仁研膏津調敷

蟬蛻散 治脬囊腫小兒坐地為風濕所襲或蟻蚓所吹

蟬蛻 五錢

右水一盞煎湯洗再溫再洗仍以五苓散加燈煎

易簡諸方

集驗方 治外腎腫脹用**黃川山單** 煨 **木香** 各等分為末每服

二錢空心酒調下痛止立効

又方 治陰腎腫疼用**黃草** 合為末水 盞煎五分去滓温服

不拘時三服大驗

又方 治陰腫**鐵精粉** 敷患處

又方 治男子婦人陰腫大如升核痛人所不能治者用此神効

馬鞭草爛搗絞汁塗之

遇仙方 治小兒外腎蚘赤腫痛日夜呻吟退皮殼愈了又發用

老杉木燒灰入**脂粉** 香油調敷

又方 用葱園內**蚯蚓糞** 甘草煎汁調塗生薄荷汁敷亦可

又方 用**梨木** 二兩 **朴硝** 二兩 **羅漢子** 兩半葱白同煎湯淋洗

子母秘錄 治婦人陰腫堅痛**枳實** 半斤 咀炒熟故帛裹熨冷易之

梅師方 治卒外腎腫痛**大黃末** 和醋塗之乾即易之

又方 治卒陰腎痛**牛糞** 燒為末和酒敷之乾即易

又方 治男子陰腫如斗及核痛人所不能治者用蕪菁根搗爛

敷之立愈

良醫以高治安則無終蠱堅永之患也甫見今病蠱者皆弗究其
將壞之初而惟求治於既壞之後醫者不思蠱邪固如盤石豈一
擘能移雖用利藥攻之是欲速其死也果何益之有哉醫書多以
蠱證附鼓脹脹滿門中所以不知蠱之為病深重也今別立一門
俾患者醫者各知其所慎不敢因循而致於壞極雖良醫弗能救
而況其下者乎

治法

凡單腹脹腫屢經利下而不愈者必成蠱證治法宜於痞滿脹滿
水腫三法中求治其初則不致於壞極成蠱一至成蠱不能治矣

藥方

中滿分消丸

治氣蠱腹脹如鼓俗呼為梭子氣又謂之單腹脹

皆因脾虛所致且胃為水穀之海水穀入胃脾主運化今胃虛
不能運化氣塊然不動致水浸漬於脾則為之脹滿不有生意
肌肉消瘦獨腹腫脹其硬如鐵將見臍下無紋鍼所不入藥所
不救坐以待斃矣方見脹滿門

簡四炒枳殼丸

治氣血凝滯腹內蠱脹

枳殼四兩去穢
五分四製

一分用蒼朮一兩同炒

一分用蘿蔔子一合同炒

一分用乾漆一兩同炒

一分用小茴香一兩同炒

右各炒枳殼黃色為度揀出為細末却將蒼朮等四味用水二

碗煎至半碗去滓以汁攪麩糊為丸梧桐子大每服三十丸食
遠米飲下

萬金丸 治諸般氣血積或食積欲成蠱症者

石菖蒲 細剉

班猫八兩去翅足同菖蒲炒焦黃色揀去猫用粗布袋盛起兩章搜去班猫背上一衣熬淨用入菖蒲

右將菖蒲為末醋糊丸如棗豆大每服三五十丸食遠温酒或
白湯送下如蠱將成用香附米一二錢煎湯下

良遇仙如意丸 治諸蠱脹虛弱

白茯苓

青皮

陳皮 各一錢

白豆蔻

石菖蒲

人參

丁香

三稜 炮

白朮

砂仁

官桂

義木 炮

遠志

木香 各三錢

山藥 半兩

香附 炒五兩

牽牛 取頭末

甘草 五分

右為細末醋糊為丸如梧桐子大每服一百二十丸臨卧温白

湯下看老幼虛實加減服忌一切生冷硬物氣蠱水蠱每服三

百丸立消婦人月水不調產後腹中有惡物並宜服之服後利

三四行飲水一口即止利後脹消可服甘露飲補之

甘露散

人參

白朮

茯苓

猪苓 各半兩

滑石 六兩

澤瀉 半兩

甘草 三錢

右為細末每服三錢食後滾白湯調下

神効木香散 治二十四種蠱證方見水腫門

廣茂潰堅湯 治中滿腹脹內有積塊堅硬如石坐卧不安寢成

蠱脹面色痿黃方見積聚門

秘七聖君子散 治一切氣血水食蠱證皆治如患人面色青黑者

肝死兩眉凸者肺死臍中突出脾死兩手無紋心死下注脚腫

腎死此五證內顯一證者不可治

白樟柳枝 葛根 桑白皮 甘遂

續隨子各等分

右為末每服三錢重者五錢菜豆湯調下看大小虛實用之忌

一切生冷油膩葷腥蠱醬麪食魚肉等發病之物及房室一百

日宜服白粥米食淡物服藥取惡物如虫如魚腦血塊者即去

根 歌曰蠱藥七聖君子芳名著在烟霞白皮甘遂與乾葛商

陸檳榔配合葶藶牽牛等分休將各物爭差豆湯調服勝丹砂

蠱脹諸膨消下

聖檳榔丸 治水蠱

檳榔 郁李仁各一兩 甘遂 續隨子各半兩

藺茹 商陸 黑丑 大黃各一兩

木通 海金沙各五錢 滑石一兩

右為細末麪糊丸梧桐子大每服三十九酒下如瀉白粥補之

常服止喫十丸至十五丸忌鹽醬生冷油膩麩食

明雞屎醴散 治蠱脹痞滿能食不能暮食

大黃 桃仁去皮 雞屎醴乾者炒

右等分為末每服一錢姜湯調食後臨卧服

瑞香棗丸 治十種蠱病

苦丁香 為細末煮棗肉丸如梧桐子大每服三十丸空心棗

湯下三服之効

百選 治水蠱 商陸根赤者搗爛 貼臍心以帛縛定水從小便出

正傳 經驗雞屎醴 治蠱脹氣脹水脹等疾

羯雞屎乾者一升炒焦色 為末出火每再研細百沸湯三升淋汁每

服一大盞調木香檳榔末各一錢日三服空心服以平為期

經驗桃奴丸 治婦人室女月經不通漸成脹滿及男子墜馬跌

撲損傷以致瘀血停積將成血蠱並皆治之

桃奴桃樹上乾朽嫩 猴鼠糞兩頭尖者是雄鼠屎也

玄胡索 肉桂 香附子 五靈脂

砂仁 桃仁去皮尖 右為細末每服三錢温酒調下

河間二氣散 治水氣蠱脹

白丑 黑丑各二錢

右為細末外用大麥麩四兩同一處拌勻做燒餅臨卧用茶清

一盞下降氣為驗

三石今醫世為最靈 卷之三十一
河三花神祐丸 治諸蠱證方見前

直木香二皮丸 治水腫氣蠱

木香 檳榔 青皮 陳皮去白

大戟 甘遂 肉豆蔻各二錢半 牽牛末一兩半

右為細末水丸或商陸汁丸如桑豆大每服五十丸空心白湯

直水蛭丸 治血蠱氣蠱腹硬如石

三稜炮 莪木炮 乾漆炒燂 牛膝酒洗

蛭糯米少 琥珀 肉桂 硃砂

水蛭石灰炒赤色 大黃各等分

右為末用生地黃自然汁和米醋調勻丸梧桐子大每服十丸

空心溫酒或童便送下

指敷蠱法 治腹硬如石或陰腫大先用甘草煎湯盪脹之後用

此藥敷之

大戟 芫花 甘遂 海藻各等分

右為末醋糊和敷腫處

秘保命丹 治諸蠱

肉蓯蓉三兩 皂礬一斤 紅棗一斤煮熟去核 大麥芽炒一斤半

香附子一斤 茯苓皂礬二味入罐火煨烟盡

右為細末麩糊丸如梧桐子大每服二十九丸好酒下食後服日

進三服量大小虛實與之

人參定喘湯 治氣壅有喘

人參 一兩

杏仁 去皮尖炒一兩

陳皮

甘草

木香 三錢

右為末每服三錢食遠蘓木湯調下三服喘止

集 洩蠱丸 治一切水腫氣脹

甘遂

黑丑

大黃

茯苓

澤瀉 各半兩

丁香

滑石

枳殼

木香

一掃仙

沉香 各二錢

續隨子 三錢

右為細末醋糊丸如梧桐子大雄黃為衣

集 尊重丸 治蠱證水腫氣腫喘急小便赤澁大便秘結不通一切

中滿單腹脹

人參

沉香

丁香

木香

檳榔

車前子

葶藶 各四錢

胡椒

蝎稍

滑石

海金沙

赤茯苓

白豆蔻 錢半

蘿蔔子 六錢

郁李仁 一兩二錢

右為末姜汁糊丸梧桐子大每服三九姜湯下日三次

醫 沉香廣聖散 治十種蠱氣

木通

大戟

商陸 各半兩

芫花 醋浸一宿炒半兩

甘遂 二錢 炙煨

右為細末每服二錢空心蜜水調下

醫 愈蠱散

瞿麥

葛根

甘遂 各五錢

牽牛

莞花

滑石

葶藶

胡樹各三錢

右為細末每服一錢加至二錢空心好酒調服

易簡方

一方 治蠱脹身乾黑瘦多渴煩悶用馬鞭草細剉晒乾勿見火以酒或水同煮味出去渣溫服無時六月中旬雷鳴時採有效又方 治水蠱不問年月深者用大戟當歸陳皮各二兩細剉水二升煮七分頓服利二三斗物怪至重不通再服

古今醫統大全卷之三十二終

丁香

木香

古今醫統大全卷之三十三

積聚門

附癥瘕痞癖

病機

內經敘論

素問鍼經云積者厥氣生之惋是惋生脛寒脛寒則血脉凝滯凝滯則寒氣上入於腸胃則腹脹腹脹則腸外之汁沫迫聚不得散日以成積卒然多飲食則腸滿起居不節用力過度則絡脉傷陽絡傷則血外溢血外溢則衄血陰絡傷則血內溢血內溢則後血腸胃之絡傷則血溢於腸外有寒汁沫與血相搏則併合凝聚不得散而成積矣 或外傷於寒內傷於憂怒則氣上逆氣上逆則

古今醫統卷之三十三
六輸不通濕氣不行矣凝血蘊裏不散津液滯澹著而不去而皆成積矣又曰思則氣結久成積也

奇病篇帝曰病脇下滿氣逆二三歲不已是為何病岐伯曰病名曰息積此不妨於食不可灸刺積為道引服藥藥不能獨治也

運氣積塊皆屬濕土經曰土太過曰敦阜之紀其動濡積并搖也

五藏生成篇曰赤脉之至也喘而堅診曰有積氣在中時害於食名曰心痺得之外疾思慮而心虛故邪從之○白脉之至也喘而浮上虛下實驚有積氣在胃中喘而虛名曰肺痺寒熱得之醉而使肉也○青脉之至也長而左右痺有積氣在心下支脉名曰肝痺得之寒濕與疝同法腰痛足清頭脉緊○黃脉之至也大而虛

有積氣在腹中有厥氣名曰厥疝女子同法得之疾使四肢汗出當風○黑脉之至也上堅而大有積氣在小腹與陰名曰腎痺得之沐浴清而卧

難經曰積者陰氣也聚者陽氣也故陽浮而動陰沉而伏氣之所積名曰積氣之所聚名曰聚故積者五藏所生聚者六府所成也積者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處謂之聚故以是別知積聚也

又曰五藏之積各有名乎**肝之積名曰肥氣**在左脇下如覆瓦有頭之久不愈令人發咳逆瘡瘻連歲不已以季夏月戊己日得之

何以言之肺病傳肝肝當傳脾脾季夏適王王者不受邪肝復欲
還肺肺不肯受故留結為積故知肥氣以季夏戊巳日得之積病
傳其所勝王氣不受故理也肝積傳自肺金得於季夏亦理也肝
欲還肺肺不肯受定於戊巳日干似為太鑿或木氣自病而非由
於勝之所傳則亦有也奚必拘於是
之積名曰伏梁起臍上大如臂上至心下久
不愈令人煩心**脾之積名曰痞氣**在胃脘大如覆盤久不愈令人
四肢不收發黃疸飲食不為肌膚**肺之積名曰息道**在右脇下覆
大如杯久不已令人洒淅寒熱喘咳發肺雍**腎之積名曰奔豚**發
於少腹上至心下若豚狀上下無時久不已令人喘逆骨痿少氣
原病式曰積聚者由陰陽不和藏府虛弱或受於風邪搏於臟腑
之氣所為也

巢氏病源曰積聚過結者是五臟六腑之氣已積聚於內重因飲
食不節寒溫不調邪氣重沓疝堅結者也若久即成癥
玉機微義曰積聚因飲食及七情而成者多滑氏謂越人之意蓋
以五行之道推其理勢之所有者演而成文初不必論其情感亦
不必論其還不還與其必然否也讀者但以所勝傳不勝及王者
不受邪遂留結為積治之可矣

積聚與癥瘕不同**癥與痞塊亦異**

積者陰氣也發有常處不離其部上下有所始終**聚者陽氣也**發
無根本上下無所留止痛無常處**癥者腹中堅硬**按之應手一定
不移言其形狀可癥驗也亦由寒溫失節飲食不消聚結於內染

漸生長塊段盤牢不移動者是癥也。瘕者假也。謂虛假可動也。病雖結瘕而可推移者也。經曰血不流而滯故內結而為瘕也。瘕者假物而成形故曰瘕血病也。此不言為聚聚者陽氣也。小腸移熱於大腸乃為虛瘕。大腸移熱於小腸謂兩熱相搏則血移而為伏瘕。血不行則月閉。此瘕瘕之病為婦女得之多也。故女科有腸痺石瘕之病。詳見本料瘕邊旁也。海篇云皮厚也。此亦氣血凝於肌肉之間而成瘕也。狀類痞塊之形而尤見着者也。瘕者僻也。飲食之凝滯于一隅而成。內痺內傷脾胃外無形跡。其人面黃肌瘦四肢困乏而精神憔悴是也。今人之所病瘕詩瘕者其證亦是也。痞塊之候自詳本門積與瘕也。乃堅硬聚與瘕也。移散而動瘕與痞也。堅

硬在皮膚之為候病在五內而不可以形狀求也。積也聚也瘕也。瘕也痞也痞塊也。皆不外乎飲食氣血之凝滯在醫者以意推之治之量其虛實權其重輕消息之而已矣。

五積六聚治同鬱斷

張子和曰積之始成也或因暴怒喜悲思恐之氣或傷酸苦甘辛鹹之味或停溫涼寒熱之飲或受風寒暑濕燥火之邪其初甚微可呼吸按導方寸大而去之故不難矣。若久而延之留滯不去遂成五積。夫肝積肥氣者不獨氣有餘也中亦有血病也。肝藏血故也。心積伏梁者火之鬱也。以熱藥散之則益甚。以火灸之則彌聚。况伏梁證有二名同而實異不可不詳。其一上下左右皆有根在

腸胃之外有大膿血與腸瘻同其二身體解股胛皆毒腫環臍而痛即是風根不可動動則為水溺瀆之病此二者內經雖言不可動止謂不可太下非謂全不可下恐病去而遺害瘡氣者舉世皆言寒則為瘡內經以為溫則瘡雖因飲冷而得其陽氣為溫所搖以熱攻之則不散以寒攻之則溫去而寒退矣肺積息者喘息賁而上行也此舊說也余謂賁者賁門也手太陰之筋結胃裏故貫谷賁下抵季脇其痛支轉筋痛甚則成積氣而為息賁手心主結於賁其病脅痛息賁又云肺下則居賁迫肝善脇下痛肝高則上支賁門脇悅謂息賁若是言之是積氣於賁而不散此靈樞說五藏處言此賁自是多故余發之賁脈者賁與奔同人言或因讀書得之未必皆然也腎主骨此積最深難療大忌吐湧以其在下止宜下之故余常以獨聖散吐肥氣掄以木架必煩室中吐熱汗也治肝之積亦嘗湧之續以磨積藥調之治伏梁治痞氣治息奔皆以吐汗下三法兼行此病不可逗遛久則傷人而難治也

脉候

經曰寸口脉沉而橫曰脇下有積腹中有橫積痛

又曰太陰脉瀆則病積心腹時滿厥陰瀆則病小腹積氣少陰瀆則病積澁血陽明瀆則病積時善驚太陽瀆則病積時善顛疾少陽瀆則病積筋急目痛 又曰推而內之內而不外有心腹積也巢氏曰脉細沉附骨者積也脉出在左積在左脉出在右積在右

脉兩出積在中央各以部處之

脉駛而緊積聚也

脉浮而牢積聚也

脉絃緊而細癥也出寸口癥在心出關上癥在胃腕出之中癥在

脉橫者脇下有積聚

脉來小沉實者胃中有積聚食

不下或食吐出

肺積脉浮而毛按之辟易

心積脉沉而芤上下無常處

肝積脉絃而細

腎積脉沉而急

脾積脉浮大而長

脉沉而中散者寒食癥也

積聚脉牢強者生虛弱沉者死

治法

內經正治

大積大聚其可犯也衰其大半而已

堅者削之留者攻之結者散之客者除之上者下之摩者浴之薄

之劫之開之發之適事為故

養正則積自除

繫古云壯人無積虛人則有之脾胃怯弱氣血兩衰四時有感皆

成積若遽以磨堅破結之藥治之疾須去而人已衰矣乾漆礪砂

三稜大黃牽牛之類則暫快樂過則依然氣愈消疾愈大竟何益

哉故治積者當先養正則積自除譬如滿座皆君子縱有一小人

自無空地而出令其真氣實胃氣強積自消矣實中有積大毒之

劑治之尚不可過况虛而有積者乎此治積之一端也邪正盛衰

固宜詳審甫謂養正積除此積之微者也如脾胃失於健運而氣積食積之不疎導者惟養脾胃之正氣而滯積自疎矣
 若夫大積大聚如五積之久而成癥病堅固不移者若非攻擊悍利之劑豈能推逐之乎惟虛弱之人必用攻補兼施之法也

攻邪補正有先後之序

經曰留者攻之此積之所以當攻者也然留積既久蒂固根深若不攻奪之豈能自去則傳所謂若藥不瞑眩厥疾不瘳其亦理勢之不容已也凡正氣實而積固不能為殃正如小人潛以伺其君子之隙而遂乘以侮之惟積亦然但正氣稍虛積必為害所以不可不攻也既攻之後尤當扶養正氣而不致擾亂之虞正氣不足必先養正以自固正既固然後由漸而攻邪積自漸削而不能留也故曰攻補有序

積非下之不可

人之有積則皆為身中之邪氣若君子座中之有小人也惟其正氣盛而真氣運行不失其常則積畧攻之而散潰亦或自然消退矣正氣稍虛則積日著而恣其欺罔之勢正氣日漸為之弱矣凡積成而形漸悴速補真氣待榮衛充實方可下之或且攻且補或補後攻或先攻後補必至於邪去正復而後已然除之不以漸則必致於顛覆之害矣若昔之武氏斷喪唐宗幾於改物尚賴狄張諸君子匡扶之力漸除黨惡興復不祚惜乎中宗不鑑前轍而留三思馴致韋氏之禍其猶積餘之尚在者若不亟下之必將復起恣害亡身者有矣

古今醫書卷之三十三
攻積必分新久

子和云積之在藏如陳莖之在江河積在藏中多留於脂膜曲折之處區區之中如陳莖在河亦不中流而在汀灣迴迫之地遇江流之隘一漂而去積之在藏理亦如之故予先用丸藥驅逐新受之食使無梗塞其積已離而未下次以末藥滿胃而下橫江之棧一壅而盡設未盡者以藥調之堅積既久不可據以此法宜以漸而攻之或三五日一攻或一月數攻後漸以磨積之藥調之無傷正氣此萬全也

治積有法

許學士云大抵治積或以所惡者攻之或以所喜者誘之則易愈

如硃砂水銀治肉積神麩麥芽治酒積水蛭虫治血積木香檳榔治氣積牽牛甘遂治水積雄黃膩粉治涎積礞石海石治痰積巴豆大黃治堅積蓋各從其類也須要認藏府經絡是何積聚兼見何證然後增減輕重使之如兵法云善攻者敵不知其所守

倒倉法

丹溪

治腸胃中一切痰積膠固及生諸般奇形之虫食積痰飲痞癥腹痛痞滿惡心噯氣嘈雜吞酸食癯黃胖等證行之無不應手取効丹溪此方得於西域之至人凡人於中年行之一二次可以却疾潤澤枯槁補益虛損亦為養壽之一助也雖然此法惟宜用於元氣實者其餘虛損勞瘵鼓脹及胃大風真病已成六脉無力者皆

不可用于見往往不善用者殺人多矣

其法用嫩黃犛牛肉二十斤切成小塊去筋膜長流水煮糜爛以布濾去滓取淨汁再入鍋中慢火熬至琥珀色則成劑矣令病人預先斷慾食淡前一日不食晚飲設密室一間明亮而不通風處行之置穢桶及木瓦盂貯吐下之物置一磁瓶盛所出之溺令病人入室以汁飲一杯少時又飲一杯積數十杯寒月積重湯溫而飲之任其吐利病在上者欲其吐多病在下者欲其下多病在中者及在上復在下者欲其吐利俱多全在活法而為之緩急多少也視所出之物必盡病根乃止吐利後必渴甚不得與湯以所出之溺飲之名輪迴酒非惟可以止渴抑且可以條蕩餘垢行後倦

睡覺飢先與稠米飲次與淡稀粥三日後方可與小菜羹次與畧厚粥與飯調養半月或一月自覺精神煥發形體輕健沉痾悉能痊矣其後須忌牛肉數年夫牛坤土也黃土之色也以順為性而效法乎坤以為功者牡之用也肉者胃之樂也熟而液無形之物也橫散入肉絡由腸胃而滲透肌膚毛竅爪甲無不入也積聚久則形質成依附胃腸迴薄曲折處以為樓泊之窠白阻碍氣血津液薰蒸燔灼成病自非割腸剖骨之神妙可以銖兩丸散窺犯其藩墻戶牖乎肉液之還溢腸胃受之其厚皆倍於前有似乎腫其迴薄曲折處肉液充滿流行有如洪水泛漲其浮槎陳朽者皆推逐蕩類順流而不可停留在表者因吐而汗其清道者自吐而湧

三古今醫書統類卷之三十三
濁道者自泄而去凡屬滯碍一洗而盡

積因地方而可證

丹溪云凡積在中是為痰飲在左為死血在右為食積痰氣其不能作塊或聚或散者氣也塊者乃有形之物痰與食積死血而成治塊當降火消食積死血塊去須大補

治積病不可峻用下藥正氣虛者愈損真氣積又不去必先服補藥數次然後攻之或用磨積藥漸而消除融化可也

積塊在皮裏膜外須用補氣香附開之兼二陳加補氣藥先須斷厚味凡積病下之不退當用消積藥融化開則消

蛇瘕候

臨苗女子薄吾病甚危眾醫皆為寒熱當死臣意診其脉曰蛇瘕為病腹大上膚黃麤循之戚戚然臣意飲以芫花一撮即出蛇可數升病已三十日如故蛟得之於寒濕寒濕氣鬱篤不發化為虫臣意所以知薄吾病者切其脉循其尺其尺索刺麤麤而毛美奉髮是蟲氣也其色澤者蟲藏無邪氣及重病

史記

蛇瘕治驗

隋有患者嘗飢而吞食則下至胞便即吐出醫作噎疾焉氣翻胃三候治之無驗有老醫任度視之曰非此三疾蓋因食蛇肉不消而致斯疾但揣心腹上有蛇形也病者曰素有太風嘗求蛇肉食風稍愈復患此疾矣遂以芒硝大黃合而治之微泄利則愈醫皆

請其驗而知蛇瘕也

髮瘕治驗

徐文伯字德秀篤好醫術宋明帝宮人患腰痛牽心發則氣絕諸醫以為肉瘕文伯視之曰此髮瘕也以油灌之即吐物如髮稍長引之長三尺頭以成蛇又能搖動懸柱上水瀝盡惟餘一髮而已遂愈

出藏經

蠶瘕治驗

蠶瘕者謂腹中瘕結如蠶狀是也有食蠶觸冷不消而生者亦有食諸雜肉得冷變化而成者皆由脾胃氣虛弱而遇冷則不能尅消所致瘕之為言假也謂其有形假而推移也昔曾有主共奴俱

患蠶瘕奴在前死遂破其腹得一白蠶仍故活適有人乘白馬來

看白蠶白馬遺尿落蠶上即縮頭乃遂以馬尿灌之蠶化為水其

主曰五將瘥夫即服之果愈

巢氏病源

京稜治瘕瘕記

昔人患瘕瘕死遺言令開腹取之得病塊堅硬如石有文理人謂異物竊取削成刀柄後因以刀割三稜柄消成水知此能療瘕瘕

子和治案

顯慶寺僧有沉積數年雖不卧床枕每於四更後心頭悶硬不能安卧須起行寺中習以為常人莫知為何病以藥請于戴人戴人令涌出膠涎一二升如黑礬水繼出黃綠水又下膿血數升自

胃中如失巨山飲餌無美

果菌劉子平妻腹中有塊如瓢十八年矣經水斷絕諸法不治其人令一月之內涌四次下六次所去痰約一二桶其中有不化之物如葵菜者爛魚腸之狀覺病積如割漸漸而平及積既盡塊痕如窪如臼畧無少損至是而面有童色經水復行

陽夏張主簿之妻病肥氣初如酒杯大每作發寒熱十五餘年後因性悲感病益甚惟心下三指許無病滿腹如石片不能坐卧鍼灸服藥罔效故邀戴人既至斷之曰此肥氣也得之季夏在左脇下如覆杯久不愈令人發瘵瘵寒熱以瓜蒂散吐之魚膠黃涎一二升至夜繼以舟車丸通經散投之五更黃涎膿血相半五六行

凡有積處皆覺痛後用白朮散當歸散和血流經之藥如斯涌泄三四次而方愈此蓋積之久者也

藥方

諸積體虛人不宜直攻宜以蠟燭藥庶腸胃中能粘逐其病

五積通用二十四味沉香流氣飲加二稜莪朮并勝紅丸常服仍

灸

丹溪附錄治積聚不問何經並宜服十味大七氣湯吞下紅丸子

又法治積聚用蜀葵根煎湯去渣再入參朮青皮陳皮甘草稍牛

膝煎成湯又入細研枳仁玄明粉各少許熟飲之二服當見積塊下如虛人病甚者須補接二三日加減再行

治積 藥必須辛涼兼破血藥方能冲達而積自散

脾積 **食積** **積** 簡易秘方勝紅丸金露丸萬病丸順氣丸秦川剪

紅丸感應丸脾積丸

食積 **酸心腹滿** 大黃牽牛之類甚者礞石之類

酒積 **酒癖** 口乾目黃乾葛黃連麥芽神麴礞砂雄黃之類甚者用

甘遂牽牛

氣積 **噎氣痞塞** 用木香檳榔之類甚者枳殼牽牛

血積 **瘀血** 乾漆桃仁牡丹皮榆根皮之類甚者大黃蜜虫水蛭之

類瓦龍子能消瘀血次消痰積花蕊石大消瘀血兼氣藥能消血
痞人所不知

痰積 藥涕稠粘半夏瓜蔓之類甚者吐之瓜蒂之屬石碱去痰積

蓀洗垢膩有功

痰癖 脇痛厚朴枳實青皮苦硝澤瀉甚者甘遂堯花

涎積 咽如拽鉛朱砂膩粉明礬甚者瓜蒂

水積 之脛腫商陸澤瀉甚者甘遂蠲稍

水飲癖 治用枳殼湯加茯苓神保丸生五苓散下小理中丸

茶飲茶癖 乾姜吳茱萸黃川椒姜黃芝麻之類

癖積 兩脇脹滿刺痛三稜莪朮之類

米穀積 麥芽神麴砂仁雞內金

肉積 礞砂阿魏山查硝石

五疔疔積 連白陳皮煎汁豆豉汁姜汁和服之

五疔積 丁香桂末麝香

笑厥硬物 亭薺砂仁三稜莪

粉麩積 蘿蔔子姜酒下

魚鱗積 陳紫蘇橘皮煎湯姜汁磨木香服

九疔積 腹中不時作塊痛面青口吐清水用雄黃錫灰蕪荑雷丸

石榴根榧子實

諸積塊疔癥 用海石三稜莪木香附上藥俱以醋煮桃仁紅花五靈脂之

類白木湯下之

痰積食積石塊 石灰一物能消化之

五疔積

肝積名疔氣 在左脇大如覆杯似有頭足色青兩脇下痛牽引小腹

足寒轉筋男為積疔女為癥聚久不愈令人發欬逆癩瘡連歲

不已其脉絃細

三肥氣丸 治前證

當歸頭 蒼朮 各兩半

三稜 莪朮 青皮 一兩炒

右為細末醋煮米糊丸菜豆大每服四十丸當歸浸酒下

東肥氣丸 治同前

厚朴 五錢 黃連 七錢 柴胡 一兩 川烏頭 製一錢

樹四錢

乾姜炮五分

皂角去皮弦一錢半

白茯苓錢半

甘草炙三錢

人參

廣木

昆布各二錢半

巴豆霜五分

右件除茯苓皂角巴霜另末外為極細末和勻煉蜜九梧桐子

大初服二丸一日加一丸二日加二丸漸止加至大便微溏再

從二丸加服周而復始積減大半勿服永類方有

御院助氣丸俱治肥氣積

心積名伏梁起於臍上至心下大如臂如梁之橫架腹熱面赤咽乾

心色煩赤甚則吐血食少久不愈病煩心髀股皆股環臍而痛

其脉沉而芤

三伏梁丸 治前證

茯苓去皮

厚朴炒

人參

枳殼炒

三稜煨

半夏泡

白朮各等分

右為末麩糊丸梧桐子大每服五十九丸食遠米湯送下

東伏梁丸 治前證

黃連兩半

厚朴炒

人參半兩

黃芩三錢

肉桂一錢

乾薑炮

石菖蒲

紅豆各五分

烏頭炮五分

茯苓

丹砂炒各一兩

巴豆霜五分

右除巴霜外為細末另研巴霜旋入煉蜜為丸梧桐子大服如

上永類方有局方溫白丸

脾積名痞氣在胃脘覆大如盤痞塞不通色黃病飢則減飽則見腹滿嘔泄之腫肉削久不愈令人四肢不收發黃疸飲食不為肌膚其脉浮大而長

三因痞氣丸 治前證

大烏頭一分炮 去皮尖 附子

赤石脂火煨 醋淬

川樹炒出 汗

乾薑

桂心各半 兩

右為末煉蜜丸梧桐子大硃砂為衣每服十九米湯下

東垣痞氣丸 治前證

厚朴四錢 半

黃連八錢

吳茱萸三錢

黃芩二錢

白茯苓

澤瀉

人參各一錢

烏頭炮

川楝各五分

因陳酒炒

乾薑炮

砂仁各錢 半

白朮

桂心各五分

巴豆霜四分

右除巴霜茯苓各另研末旋入外同為末煉蜜丸梧桐子大每服淡甘草湯下如上永類方有**員方脾積丸****楊良薑合丸**

勝紅丸本軍枳殼散俱治

肺積名息黃在右脇下大如覆杯喘息氣逆背痛少氣喜忘目膜皮寒時痛久不已令人洒淅寒熱喘欬發為肺壅其脉浮而毛

三因息黃湯 治前證

半夏泡

桂心

人參

吳茱萸泡

桑白皮炙

葶藶

甘草炙各錢 半

右水二盞姜五片棗一枚煎一盞食前服

東垣息賁丸 治前證

厚朴炒八錢

黃連炒一兩三錢

乾薑炮

白茯苓

川樹炒

紫苑各兩半

川烏炮

桔梗

白芷寇

陳皮

京三稜炮

天門冬

人參二錢

青皮五分

巴豆霜四分

右除茯苓巴霜各另研旋入外為細末和勻煉蜜丸梧桐子大

淡湯送下服如上已上東垣四方秋冬加厚朴減黃連四分

一鈴方有局方撞氣阿魏丸妙應丸磨積丸皆可用

腎積名奔豚發於小腹上至心下上下無時如豚奔走之狀色黑飢

則見飽則減小腹裏急腰痛口乾目昏骨冷久不已令人病喘

逆骨痿少氣其脉沉而滑

三因奔豚湯 治前證

甘李根皮焙

乾葛

川芎

當歸

桑白皮炙

黃芩

甘草炙各錢半

半夏炮二錢

右水二盞姜三片煎一盞食遠服

東垣奔豚丸 治同前

厚朴七分

黃連五錢

白茯苓

澤瀉

菖蒲各二錢

川烏炮

丁香各五分

苦練酒煮三錢

玄胡索錢半

全蝎

附子

獨活各一錢

肉桂 二分

巴豆霜 四分

右除巴霜揆苓另末旋入外為細末煉蜜丸梧桐子大淡鹽湯下如上法濟生大七氣湯香稜丸俱治

五積諸劑

濟生大七氣湯 治一切積聚狀如癥瘕隨氣上下發作有時心腹痛

刺上氣窒塞下腹脹滿

三稜

莪木 煨

青皮

陳皮

桔梗

肉桂

益智仁 各錢半

藿香

香附子 各一錢

甘草 五分

右作二服每服水二盞煎八分食遠溫服

無化氣湯 治息積

砂仁

桂心

木香 各二錢半

炙甘草

茴香 炒

丁香皮

青皮

陳皮

乾薑

蓬朮 炮各半兩

胡椒

沉香 各一錢

右為末每服二錢姜蘓鹽湯調下婦人醋湯下

陳無擇云治息積服此藥須用導引法隨意行之皆可或八段錦六字氣之類以氣通為効

御助氣丸 治三焦痞塞胃膈飽悶氣不流通蘊結成積痞癖氣塊

並皆治之

三稜 炮

莪木 炮各二兩

青皮

橘紅 各五錢

木香

檳榔

枳殼各三錢

白木五錢

右為末糊丸梧桐子大每服五十丸米湯下

本枳殼散 治五種積氣三焦痞塞胃膈飽悶嘔吐痰涎口苦吞酸

常服順氣寬中除痞消積聚

枳殼麩炒

益智

陳皮

京三稜

莪朮

檳榔

肉桂以上各一錢

肉豆蔻

厚朴製

青皮

木香

乾薑各五分

右作一服水二盞姜三片棗二枚煎一盞不拘時服

局廣茂潰堅湯 治中滿腹脹內有積塊堅硬如石令人坐卧不能

二便秘澁上氣喘促面色痿黃遍身虛腫方見氣門

見脹滿門

大溫中丸 小溫中丸

俱治食積痞塊面色黃食無味

二方並見痘門

三稜前花

治積聚癥瘕心腹堅脹脇下堅硬而痛喘滿短氣不

進飲食此能化痰寬氣

京三稜

生剉另為末以酒三升石器內熬膏

神麩炒

蘿蔔子微炒

麥芽炒

硃砂飛煎如鹽研

青皮

乾漆炒各二兩

杏仁去皮尖炒一兩

右為細末以三稜膏和丸梧桐子大每服十五

丸至二十丸食前米飲下加阿魏五錢名阿魏丸

磨積三稜丸

治遠年近日諸般積聚痞癖氣塊氣積酒積諸般

所傷無問男子婦人老幼並宜服之

木香

麥芽

莪朮

杏仁炒

枳殼炒

石三稜去皮

京三稜

乾漆炒烟尽

雞爪三稜

乾葛

官桂二錢半

砂仁炒

丁香

香附子

青皮各二錢

黑牽牛五錢半生半炒

白牽牛五錢半炒 陳皮去白三錢

右為末醋糊丸梧桐子大每服二十九生薑湯下食後服每口

二次服之病大者四十日消溫水送下亦可

流氣丸 治五積六聚癥瘕癖塊留飲以上之疾皆是鬱氣客於

腸胃之間皮膚之下久而停留變而為痞此藥能消導通滯氣

和陰陽消舊飲雖年高氣弱亦宜緩緩服之

木香

小茴香

橘紅

菖蒲

青皮

蘿蔔子

廣茂炮

栝榔

神麴炒

補骨脂炒

枳殼炒

葶澄茄

砂仁

麥芽炒各一兩

麥芽炒各半兩

右為末麩糊丸梧桐子大每服五十九細嚼白豆蔻仁一枚食

後白湯送下

聖散子 治一切遠年積塊及婦人乾血氣

礞砂

大黃各八錢

麥芽六兩

乾漆炒烟

篇蓄

小茴香炒

檳榔

瞿麥各一兩

婦人乾血氣加川山甲二兩炮

右為細末每服五錢臨卧溫酒調下仰卧良久為妙此藥只在

心頭至明早大便如魚腦為驗小兒一錢
醫阿魏丸 治諸般積聚癥瘕痞塊

山查肉

南星 皂角水浸

半夏 同上

麥芽 炒

神麴 炒

黃連 各一兩

連翹

阿魏 醋浸

瓜蒌仁

貝母 各五錢

風化消 二錢

石鹵 二錢

蘿蔔子 炒

胡黃連 二錢

右為末姜湯浸蒸餅為丸梧桐子大每服五十九丸食遠姜湯下

諸飲食癆積

東垣草豆蔻丸 治酒積胃口痛咽噎不通

草豆蔻 煨

白朮 各一兩

麥芽 炒

神麴 炒

黃芩

半夏 炮各五錢

枳實 炒二兩

橘紅

青皮 各三錢

乾薑 二錢

炒鹽 五分

右為極細末湯浸蒸餅為丸菜豆大每服百丸煎水下

丹阿魏丸 治肉積

阿魏 醋煮作糊

塘菟子 各一兩

黃連 六錢

連翹 半兩

右為末何魏糊丸梧桐子大每服二三十丸白湯送下

保和丸

治食積 方見食積門

茶癖散 治茶積

石膏

黃芩

升麻 各等分

右為末砂糖水調下二錢

良白豆蔻丸 治積聚心腹脹滿脾胃虛寒宿食不消氣刺痞痛瀉

泄善噫嘔吐酸水手足厥冷

白豆蔻 三分

肉豆蔻 製一分

良薑

木香 各一分

桂心

附子 製

枳殼 炒

陳皮

人參

丁香

甘草 炙各半兩

右為細末每服一錢食前木瓜生姜湯調下

木香化滯湯 治因憂氣食濕麪結於中脘腹皮微痛心下痞滿

不思飲食食後不散常常痞氣

木香

柴胡

橘皮

草豆蔻 各錢半

當歸

枳實 麩炒各一錢

半夏 製錢

紅花

甘草 炙各五分

右水二盞姜三片煎八分食遠服

暄三稜散

治積聚癥瘕痞癖不散堅滿痞悶食不下

京三稜 二兩

白木 二兩炒

蓬朮

當歸 各半兩

檳榔

木香 三錢

右為末每服三錢沸湯調下

丹溪方 治一切食積停滯

山查

蘿蔔子

神麪 炒

麥芽 炒

陳皮

青皮

香附子 各二兩

阿魏 一兩醋浸另研

右為蒸餅湯泡為托梧桐子大每服五十丸食遠姜湯下

三稜丸

消積聚去米麪五穀等積

陳倉米

一兩巴豆新者五枚去殼同米慢火炒巴豆焦色去巴豆不用

陳皮

三稜煨

砂仁

麥芽各二錢

南木香一錢

右為末醋糊丸茶豆大每服十五丸至二十丸食遠姜湯下

按京蓬煎丸 治五積六聚癥瘕痞宿食不消嘔吐辛酸久服効

京三稜二兩酒浸夏一日冬三日

枳殼麩炒

茴香鹽炒

蓬莪木二兩醋浸夏一日冬三日剉用巴豆二十粒砂鍋內慢火炒黃色揀去巴

青皮

木香
檳榔各一兩

右為末姜汁糊丸梧桐子大每服五十丸食遠溫湯姜湯下

心消積阿魏丸 治年久痞塊食積兼有形者

阿魏三錢

磁石煨

牽牛

檳榔

菽木煨各五錢

三稜一兩

川山甲黃土炒黃三錢 威靈仙五錢

右為末醋糊丸梧桐子大每服五十丸米湯下

心消癥去積丸 治一切癥瘕積塊疼痛寒熱面黃腫脹少食

川練子五錢巴豆七粒同炒熟色去巴不用

三稜煨

莪木煨

青皮

陳皮

川芎

當歸

玄胡索

血竭

黃連

香附子

檳榔各五錢

木香三錢

阿魏二錢半

乾漆二錢

右為末醋化阿魏神麩糊為丸梧桐子大每服五十丸白湯下

丹香稜丸 治五積六聚氣塊

三稜六兩醋炒

青皮

陳皮

莪木煨

枳殼炒

枳實炒

蘿蔔子炒

香附子炒各二兩

黃連 神麩炒 麥芽炒各一兩 山查肉四兩

乾漆炒烟盡 桃仁 礶砂 砂仁炒研

當歸尾 木香 甘草炙各一兩 檳榔

右為末醋糊丸梧桐子大每服三五丸白湯下効

丹枳實丸 專治食積痞塊

枳實 白朮 半夏 神麩

麥芽各一兩 蒼朮 陳皮各五錢 木香一錢

山查一兩 姜黃三錢

右為末荷葉蒸飯丸梧桐子大每服一百食後姜湯下

林清金不換內消丸 治一切積聚氣壅胃膈膨脹肚腹滿悶心緊束

蒼朮半斤製去文 枳殼一兩半炒 青皮 陳皮去白

三稜醋煮 蓬朮醋煮 香附子製 大茴香炒

乾漆炒 藿香洗各一兩 厚朴 杏仁去白

砂仁各一兩三錢 猪芽皂角二兩去皮弦 黑牽牛二兩

草果 百草霜各一兩用鄉村燒百草熟者佳

右為細末麩糊丸梧桐子大每服五十丸量人虛實加減臨卧或日中不拘時好酒茶清鹽湯任下一二服便覺腹中寬快並無泄瀉之患不拘小兒男婦皆可服之惟妊娠禁服

寒積聚劑

生妙應丸 治一切中虛寒積癖瘕時發寒熱

附子

錢色煨剉空入網砂一錢掩蓋又煨熟去麩

華撥

木香

青皮

破故紙各三兩

右為末糊丸梧桐子大每服三十丸食遠姜湯下如瀉米湯下

散聚湯 治久氣積聚狀如癥瘕隨氣上下發作有時心腹絞痛

攻刺腰脇小腹臃脹二便不利

半夏製

檳榔

當歸各三兩

陳皮去白

杏仁去皮大

茯苓

甘草炙

附子製

川芎

枳殼炒

厚朴製

吳茱萸湯泡各一兩

右咀每服四錢水一盞煎七分服大便不通加大黃

簡勝紅花 治脾積氣滯胃滿悶氣促不安嘔吐清水丈夫酒積

婦人脾血積小兒食積並治

三稜

莪木各醋煮

青皮

陳皮

乾薑

良薑各一兩

香附子炒二兩

右為末醋糊丸梧桐子大每服三十丸姜湯下

本枳殼散 治五種氣積三焦痞塞胸膈飽悶嘔吐痰涎口苦吞酸

消寒積極有效方見前

良白豆蔻散治前症方見前

秘至寶丹 追蟲取積神效方見前

吐劑子和瓜蒂散方見前

攻積削堅諸劑

聖積氣丹 治一切新久氣塊面黃肌瘦癥瘕積聚口吐酸水

檳榔 二枚
芫花
京三稜
牛膝

蓬朮
柳樟根 各一兩
肉豆蔻 二枚
巴豆 二錢

陳皮
石菖蒲 各三錢
木香 二錢
青皮 三錢

大戟
大黃
甘遂
白牽牛

青礞石
乾漆
乾姜 各半兩
礶砂 一錢

黃連 姜汁炒 一兩
右為末醋糊丸梧桐子大每服一丸臨卧棗湯下

聖積氣丹 治瘕癖氣滯心腹痞滿嘔吐欬嗽順氣清痰

木香 各兩
玄胡索 一兩
黑牽牛

陳皮 六兩
檳榔 一兩
丁香 五錢
三稜 炮

莪朮 炮各三兩
半夏 製
茴香 炒
木通

神麩 各二兩
麥芽 各二兩
青皮 三兩

右為末滴水丸菜豆大每服四十丸食後生姜湯下日二服

聖惠取積丹

馬蹄大黃 不拘多少為末用好醞醋熬膏為丸梧桐子大每

服百丸量人虛實大小不食晚飯用好墨研濃好酒送下次日

當下膿血積聚

海藏萬病紫苑丸 治臍腸久患瘕癖如碗大及諸黃病每氣起時上

冲心繞臍絞痛一切蟲咬十種水病蠱病反胃吐食嘔逆惡心

飲食不消天行時病婦人多年月露不通或腹如懷妊多血天

陰即發又治十二種風頑痺不知年歲晝夜不安夢與鬼交頭
白多屑或哭或笑如鬼魅所着腸癰腸痛脈之皆効

紫苑去苗

防風

菖蒲

紫胡

厚朴姜製各一兩

吳茱萸湯泡七次焙乾

茯苓各八錢

人參七錢

皂角炙去皮

桂枝

桔梗

黃連各八錢

川椒去子微炒出汗

乾薑炮

川烏去皮

巴豆去油炒各三錢

羌活

獨活各七錢

右為細末入巴豆和勻煉蜜丸梧桐子大每服三丸漸加至五
七丸姜湯送下食後臨卧服初有妊者勿服

飲食氣塊麩湯下

吐逆姜湯下

痔漏腸風酒下

赤白痢疾訶子湯下

膿血利米湯下

墮傷血悶四肢不收酒下

蛔蟲心痛檳榔湯下

氣噎憂噎荷葉湯下

打撲傷損酒下

中毒蕒灰湯下

一切風證升麻湯下

寸白蟲檳榔湯下

霍亂乾姜湯下

咳嗽杏仁湯下

腰腎痛豆淋湯下

陰毒傷寒溫酒下

時氣病井花水下

脾風陳皮湯下

頭痛水下

心痛溫酒下

大便不通燈心湯下

因物所傷以本物湯下

吐水梨湯下

氣痛木香磨湯下

小兒天氣吊搐防風湯下防已湯亦可

小兒疳痢葱白湯下
小兒乳食所傷白湯下

女人月信不通紅花酒下
女人腸痛川芎湯下

懷胎半身後漏胎艾湯下
子氣沖心酒下

產暈頭眩温酒下
血氣痛當歸酒下

產後心腹滿豆淋湯下
難產益智仁湯下

產後血痢當歸湯下
赤白帶下酒煎艾湯下

室女氣血不通酒下
解內外傷寒粥飲下

本治癥丸 治丈夫婦人小兒年深日近沉積癥塊面色青黃時心

搶痛吐水吞酸舌生白胎婦人積年月經不調漸成痞塊血蠱
中焦間大如杯碗日久年深瘦瘠寒熱往來一切脾胃不和滯
悶之痰並皆治之

蓬朮 三兩 京三稜 三兩俱用醋煮透為度 丁香皮 二兩

木香 兩半 丁香 兩半 厚朴 炒三兩 石菖蒲 二兩

良姜 兩半 川牛膝 一兩 薏苡仁 一兩 史君子 三兩取肉

石蓮子 三兩 巴豆 五兩去油膜 香附子 四兩製 虫蟲 兩半

右為細末稀糊丸如小豆大積年癥瘕成塊第一服用熱水下
三十丸自後每日三丸五丸量虛實加減與之五日去盡積塊
日近脾胃有積者每服五丸米飲吞下一服取効婦人血氣成

塊及血瘕每服二十丸用蘓木酒童便各半煎五七沸令温空
心吞下自後每日用温酒下三丸其血塊遂消從大小便出盡
自知小兒腹痛蛻虫不能忍日夜叫哭百藥不効橘皮湯下五
七丸立効諸虫皆可下常服用姜湯或白湯下三五丸中酒酒
積大便鮮臭者及噎塞皆可用之神効

和温白丸 治心腹積聚癥癖痞塊大如杯碗胃脇脹滿如有所礙

十種水病痞塞心痛並治

川烏 製二兩

皂角 炙去皮弦

吳茱萸

石菖蒲

柴胡

桔梗

厚朴

紫苑

人參

茯苓

黃連

乾姜

肉桂

川椒 去目炒

巴豆 去油各五錢

右為末入巴豆另研勻蜜丸梧桐子大每服三丸薑湯下

潔古治法

積飲

温白丸加柴胡川芎

積肥氣

温白丸加

菖蒲苦蓮桃仁

積滯

温白丸加

吳茱萸乾薑

温白丸加

白丸加人參紫苑

積滯

温白丸加丁香茯苓遠志

舟車丸

方見水腫門

治水積水腫上氣喘急

感應丸

方見痢疾門

治諸積聚

丁香脾積丸

方見脾胃門

治飲食諸積結聚

本事 硃砂丸 治一切積聚痰飲

硃砂

三稜

乾薑

白芷

古今醫方類聚 卷之三十三 三十一

巴豆 去油各半兩

大黃

乾漆 各一兩

木香

青皮

胡樹 各一錢

檳榔

肉豆寇 各一枚

右為末醋醋一二升煮巴豆五七沸復下三稜大黃末同煎五七沸入硃砂煎成膏却入別藥和勻杵丸如黍豆大每服七丸或五丸姜湯下

破積導引丸 治積塊堅硬飲食不消心下痞滿

木香

檳榔

青皮

陳皮

枳殼 炒

廣木 煨

三稜 炮

半夏 泡

神麴 炒

麥芽

乾薑 炮

茯苓

澤瀉

甘草 炙各半兩

牽牛 頭末六錢

巴豆 三十粒去油殼淨

右為末入巴霜令勻姜汁糊丸梧桐子大每服三十丸姜湯下

香稜丸 醫林 治五積破痰癖消癥瘕冷執塊積

木香

丁香 各五錢

三稜 對酒浸一宿

枳殼 炒

莪朮

一兩入去皮巴豆三十粒同炒黃色去豆不用

青皮

川練肉

茴香 炒各二兩

右為末醋糊丸梧桐子大朱砂為衣每服三十丸食遠鹽酒下

保安丸 醫林 治癥積心腹內結如拳漸上搶心腹及臍腹痛不可忍

大黃

三兩新水浸一宿蒸過焙乾用

乾薑 一兩炮

大附子 製五錢

鱉甲

一兩半好醋煮一時久酥油炙黃方可用

右為細末用三年米醋一升先熬去四五合後和藥丸如梧桐

子太每服二十九空心醋湯或米湯任下取積如魚腸敗血爛
肉青泥而下

醫開結妙功丸 治佛熱內盛痲癩癥瘕積取疼痛濕熱腫脹肢體

麻痺走注痛

三稜

茴香炒

神麩炒

麥芽炒各一兩

大黃

一兩為末醋半升熬成膏聽用

乾薑

炮二錢

川烏

炮四錢

半夏

五錢

官桂

二錢

巴豆

二錢去油

牽牛

取頭木三兩

右為末用大黃膏丸梧桐子大每服十五丸空心姜湯下

山鄧感應丸 治食積化宿滯

沉香

木香

檀香

丁香

青皮

陳皮

黃連

砂仁

香附子

半夏

三稜

炮

莪朮

炮各一兩為細末

肥烏梅

一百箇

巴豆

三百粒白者去衣膜

右用磁器一隻盛巴豆上以烏梅肉蓋之却用米醋浸過與梅

肉平坐于甑中蒸至極熟以巴豆紅色為度却搗二件為泥用

糯米飯和勻搗千百下丸如蘿蔔子大每服十丸白湯下

易簡諸方 二十三道

化鐵丹歌

八梅十六豆一豆管三樹青皮各半兩醋打麩糊調每服十五
顆是鐵也能消

五積丸

大肥皂角炙去皮弦灰火煨勿令烟出右為末每兩入巴霜一錢研勻醋糊

丸梧桐子大每服三五丸白湯下

醉鄉寶屑 治酒積如神亦治菜果積

平胃散 加丁香砂仁芽麩或香蘇散亦可並用姜棗鹽煎服

酒積麥芽丸 治酒癖不消心腹脹滿噫酸嘔逆脇肋痛

神麩炒 麥芽炒各一兩 黃連五錢剉用巴豆五粒同炒

右為末沸湯搜和丸梧桐子大每服五十丸食遠姜湯下

魚蟹積用香蘇散多加生姜陳皮煎服

蟹瘕用白馬尿一升雞子白三枚煎至一合空心頓服不移時當

吐出小蟹而愈

又方 用新熟赤黍米淘取泔汁生服一升不過三度愈

千金方 治癥瘕積聚去三屍氣延年却老

雄黃二兩研為細末九度水飛過却入新淨竹筒內以蒸餅一塊

塞口蒸七度用好粉脂一兩為丸茶豆大酒下七丸至十九日

三服三年後可以成道不饑

又方 治腹脹積聚癥瘕

葶藶一升炒 酒五升浸七日去渣日溫三合不拘時服

又方 治蟹瘕取藍葉一斤搗水三升絞取汁一升日二服効

又方 治食鱸及生肉致胃膈不化必成癥瘕

馬鞭草搗汁一升入薑汁少許飲之即消

又方 治肉癥思肉不已食肉訖又復思

白馬尿三升空心飲之當吐肉積出吐不出者死

又方 治小腹堅大如盤胸中滿能食而不消用新安白酒麴炒香熟為細末白水調方寸七日三服

外臺秘要 治卒暴癥腹中有物堅如石痛欲死取**胡蘆根**一小

束洗淨瀝去水細切以酒二斗漬三宿去香濕服五合至一升

日三服欲速服於灰火中煨令藥味出服之此藥無毒大有効

又方 熨癥法用吳茱萸三升搗碎以酒和煮熟布裹熨癥上冷則易執熨之癥移消動乃止

又方 療心腹之舊癥及新得之癖癥取**朱砂**細研飯搜令勻用

雄雞一隻先餓二日後以硃砂飯餵之置雞於板上收取糞曝

燥為末温酒調服方寸七日三服病困者晝夜可六服一雞少

更用一雞餵之取足服之愈即止

集驗方 治驚癥及心腹宿癥卒得癥癥以**白雞屎**不拘多少小

便和炒焦為末服方寸匕不拘度數癥愈止

勝金方 治膜外癥及氣塊痛**玄胡索**不拘多少為末**猪胰**一具

切作塊子炙熟蘸藥末食之

肘後方 治腹中冷癖水穀凝結心下停痰兩脇痞滿揉之轉逆

妨害飲食取大蟾蜍一枚去皮及腹中物支解之用芒硝一升

中人七合弱人五合以水六升煮取四升每服一升後未下更
一服得下則九日十日更進一服

一方 治痲痺癥結及諸虫并馬毒瘡用**馬齒莧**和鹽醋煮一碗
空心食有蟲盡出汁塗瘡

一方 治蛇瘕凡蛇精及液粘活菜上人誤食之腹內成蛇或食
蛇肉亦作蛇瘕其人常飢食之即吐腹中如蛇狀用**赤頭蜈蚣**

一枚為末分服酒調下

一方 治積聚痲痺氣塊大小結胃痛不能按南星半夏芫花自
然銅生用等分為末醋糊丸梧桐子大每服七丸食前温湯下
一方 治男婦遠近陳積氣塊水腫小腸偏墜脚氣蠱毒疔瘻

食心氣脾疼喘急咳嗽肺脹吐紅腸風痔漏左癱右瘓丹毒瘡

疥紫白血斑癰疽腫毒瀉痢脾黃山嵐瘴氣小兒風疳

大黃 春冬二斤火炮熟用
秋夏一斤二兩生用

甘草 半斤
炙

牽牛 十二兩
兩

檳榔 十兩

三稜

木香 一兩
為末

右每服五錢五更初面東温水一盞調下巳時取大病根青紅
赤白或蛇蟲蝦蟆蜈蚣亂絲血塊不問四季老弱無妨利後
用白粥補之孕婦勿服



久痞背脊中即命門穴離開四指痞在左灸右在右灸左

章門二穴在股大橫紋外直臍季肋端側卧屈下足
伸上足舉臂取之灸七壯治一切積聚癥塊

古今醫統大全卷之三十四
期門二穴在乳頭垂下肅處動脈是
灸百壯治積氣上奔甚急欲絕

氣海一穴在臍下一寸半
灸百壯治一切氣塊

關元一穴在臍下三寸灸百壯治奔豚
痞積癰塊氣逆氣冲心痛不可忍

古今醫統大全卷之三十四

痞塊門

病機

痞塊敘論

痞者塞不通之義也由氣血鬱滯凝結而作塊堅硬而成形致於寒熱作痛嘔吐脹悶甚者飲食不入令人漸亡黃瘦始因脾胃所傷或因瘧久而成謂之瘧母右關脈絃而緊細者是也丹溪謂在中為痰飲在左為死血在右為濕痰氣結極是但堅積既久非尋常氣血痰藥所能消除必須內外兼攻內經所謂勿用者攻之堅者削之使愈過半隨即調理氣血然後復攻方可保十全之効也痞

證甚者可與癥積門參看施治凡婦人有痞塊多是血塊

治法

治痞先須開鬱豁痰消堅化血然後理脾胃調正氣

凡痞塊在皮裏膜外雖用補氣藥及香附開之兼二陳湯先須斷厚味為要

藥方

秘化鐵丸 治痞塊等積

香附米

四兩用口豆三十粒去皮膜研細同香附熱水浸透春三日夏一日秋五日冬十日取出洗淨晒只用一半

三稜

莪朮

半夏

各一兩醋煮過

丁香

肉豆蔻

麩包炒各半兩

杏仁

去皮尖炒熟

青皮

陳皮

良姜

各八錢多年壁土炒

右為細末醋糊托梧桐子大每服二三十丸空心姜湯下

醫林阿魏丸

方見積聚門

治諸積痞塊

○宣積氣丹

方同上門

治痞塊

東垣廣茂潰堅湯

方見腫脹門

治痞塊積堅硬如石形大如盤

經驗治痞方 治一切痞塊

猪澁脾七箇新針七枚每一針刺一脾濫為度皮硝七錢每一

錢擦一脾磁器盛七日鐵器焙乾又用水紅花子七錢同脾搗

為細末用無灰酒空心調下一年已下者一服可愈五年已下

者二服十年已下者三服

醫林小阿魏丸

治痞塊

山查 三兩

石碱 二錢

半夏

一兩皂角水浸透三次晒乾

右為末姜汁糊為丸梧桐子大每服五十丸食遠姜湯下

千金大硝石丸 治痞積

硝石 六兩

大黃 八兩 另研

人參

甘草 各三兩

右為細末以好陳醋三升置磁器中以竹片作準每入一升作一刻先入大黃不住手攪使微沸盡一刻乃下餘藥又盡一刻微火熬便可丸如雞子黃大每服一丸白湯化下或丸如梧桐子大每服三五丸服後當下如雞肝或如米泔赤黑色等物乃効下後忌風冷宜軟粥將息

聖散子

方見積聚門

治痞積成塊

集消痞方

木鱉子

二十枚 去殼

積猪腰 一對

黃連末 三錢

右將腰子切開煨熟搗爛入二味和丸如菜豆大湯下三十丸無神功助化散 治男子婦人腹中痞塊不拘氣血食積所成此方

之妙不可盡述

篇蓄 五錢

瞿麥穗 二錢

大麥芽 五錢

神麩 五錢

木香 錢半

甘草 五錢

川大黃 三兩

右為細末男用燈心淡竹葉等分煎湯及無灰酒一同調服一錢酒多於湯婦人用紅花當歸燈心等分及無灰酒一同調服亦酒多於湯忌油膩動氣之物及房事一月藥須黃昏時服次

早二便見惡物為度

牡丹皮散 治婦人久虛羸瘦血塊走注心腹疼痛

牡丹皮

桂心

當歸

延胡索各一兩

莪朮

牛膝

赤芍藥各一兩

京三稜兩半

右為細末每服三錢水酒各半煎服

沒藥散 治一切血氣臍腹撮痛及產後惡露不行兒枕塊痛

沒藥

血竭各研細末

桂心

當歸

蒲黃

紅花

木香

玄胡索

乾漆炒

赤芍藥各等分

右為極細末每服二錢熱酒調下若血塊冲心痛甚至危者以

大順散 三錢熱酒調下立止

丹胎前血塊如盤難服峻劑此方主之

香附醋煮四兩

梔仁去皮尖一兩

海粉醋煮二兩

白朮一兩

右為末麩糊丸梧桐子大每服七十九酒下

產後消血塊

滑石三錢

沒藥二錢

血竭二錢有用丹皮一錢無血竭

右為細末糊丸惡露不下以五靈脂為細末陳皮湯調下一錢

又方 消血塊

香附子童便浸

桃仁去皮留尖

右等分為末醋糊丸服

敷貼藥

神二仙膏 治瘡氣腹中作塊

明礬雄黃各二兩 研細先將二兩水糊和成膏紙攤貼患處即效

不効再以後二兩攤貼須看貼藥之後大便如膿下即愈

三聖膏 貼痞塊化為膿血

用未化石灰半斤為末瓦上微炒紅提出候熱稍減入大黃末上

兩炒熱仍提出入桂心末五錢畧炒以米醋熬成膏厚攤烘乾

貼上即愈

經四聖膏 專貼痞塊

著葉

獨蒜

鹽

川山甲

右以好醋搗成餅量痞大小貼之兩炷香為度痞化為膿水從

大便中出

琥珀膏

大黃朴硝

各一兩

為末以大蒜搗膏貼之

又方

以水紅花或子每一碗以水三碗用桑柴文武火熬成膏

量痞大小紙攤貼以無力為度仍將膏用酒調服忌葷腥油膩

不飲酒者白湯下

鍼灸法

長桑君鍼積塊癥瘕先於塊上鍼之甚者又於塊首一鍼塊尾一

鍼之應鍼訖灸之

童門

天樞

氣海

通谷

上腕

中腕

右六穴皆灸積塊可按證選用

奔豚氣塊攻心脇痛滿淹淹欲絕

先以湯洗手足
局之却取下穴

期門

氣海

關元

各灸
五壯

醫案

丹溪治一婦人因哭子後胃石有塊如盃食減面淡黃黧黑備甚
脉絃虛細潛日晡發熱知其熱危補瀉兼用以補中益氣湯隨時
加減與東垣痞氣丸相間服之食前用湯食後用丸必湯多於丸
一月寒熱退食稍進仍服前藥二月後忽大寒熱天明退其塊加

大至晚手足下半節皆腫遂停藥數日忽腫如失天明胃中之塊
覺小遂以二陳加白朮桔梗枳實服半月而安次年生子

一婦人年四十面白形瘦性急因有大不如意三月後乳房作一

塊漸長大掩心微痛膈悶飲食減四之三每早口苦兩手脉微

而短潛予知其月經水不來矣遂與參朮歸芎佐以氣藥作大服

一晝夜與四次外以大琥珀膏貼塊上防其塊長經一月餘得補

藥百貼食及平時之半仍用前藥又過一月脉氣漸充又與前藥

吞潤下丸百貼月經亦來潛脉減五分之四時天氣熱意其經行

必紫色仍以前藥加醋炒三稜吞潤下丸以抑青丸十五粒佐之

又經一月塊消食美如常矣

一人年五十餘因飲酒醉後受怒氣左脇下與臍平作痛自此以後漸成小塊或起或不起而痛痛止則伏面黃口乾無力食少吃些物便噯此氣味轉惡風寒脉之左大於右絃濇長此木火甚脾胃傷而陰血耗且與和胃湯以補胃氣滋養陰血吞下保和丸助其糟粕胃實血充時却用消塊和胃湯即人參錢三白木錢半陳皮錢一芍藥當歸各五分乾葛紅花各三分作一劑煎服吞下保和丸

一婦人腹下有塊一男子心痛膈有塊俱用**白木湯**吞保和丸三

十粒愈白木錢二青皮錢一芍藥木通川芎蒼朮甘草各五分

一婦脇下有塊漸長大脉數而大詢之近已發熱食亦減倦怠先與補之次攻其塊用陳皮錢五白木錢一兩柴胡當歸青皮各五分木通錢三

甘草錢一作八帖先服次服玫瑰丸用醋炒青皮一兩桃仁錢五醋錢三稜兩桂枝半錢海藻八錢神麩糊丸

一少婦瘡後左脇下有塊小便少用厚朴柴胡黃木通各二錢三稜

白木青皮各四錢甘草錢五姜一片煎服前執服

一婦人年五十形氣俱實富而勞神味厚性急常經水過多醫每用瀉藥止之後病走氣骨腹中共有大小塊十餘枚遇夜痛甚着床累月其脉兩手皆濇而弱此因用瀉藥致敗血積聚不行故耳時三月間以蜀葵根煎湯再煎人參白木陳皮青皮甘草稍牛膝成湯入玄明粉少許研桃仁調熱飲之服三貼腹痛下塊一枚再并查服又下一枚後去葵根玄明粉服數劑漸消

一婢色紫稍肥性沉多憂年近四十經不來三月小腹當中有塊初起如粟漸如炊餅予診之兩手皆濇重取稍滑令按其塊痛捫之高寸許遂與千金硝石丸下四五次後忽自言乳頭有汁恐是孕予曰非濇脉無孕之理又與三五貼診之脉稍虛予悟曰前藥太峻止與四物湯倍加白朮佐以陳皮甘草至三十帖脫充完再與硝石丸四五次自云塊消一暈便令莫服逾半月經行痛甚下黑血近半升內有林核者數十粒而塊消去半又求藥予曉之不必用藥次月當盡消矣至次月經行又下黑血塊而又消其大半彼又索藥予曰再次月必盡消矣後果然大凡攻藥病熱一退正氣自復而邪氣由漸而消若胃氣弱者兼劑攻之必傷胃氣反

致禍醫者不可不知也

一人年六十素好酒八月間因行暑熱中得病兩足冷遍膝上腕有塊如掌大牽引脇痛不可眠卧飲食減少却不渴已自服生料五積散三劑診其脉俱沉濇而小按之不為弱皆數而右為甚大便如常小便赤澀遂用大承氣湯減大黃之半而熱加炒黃連乃藥川芎乾葛甘草作湯下瓜蒌仁半夏黃連貝母丸至十二貼足冷退至脛塊減半遂止藥至半月飲食復舊諸症皆除

一人病脚氣夜半痞繞脇有塊硬如石痛欲死用杉木湯服不食頃大下三次氣通塊散方用杉木節一大節橘葉一大升無葉以皮代之大腹欖榔七箇三味切用童便三升共煮一升半分二服

若一服得快利則後服

一、...
 二、...
 三、...
 四、...
 五、...
 六、...
 七、...
 八、...
 九、...
 十、...



